

1909

年

第

卷

第

11

期

# CHINESE FEDERATION REVIEW

NOS. 3 & 4 ALBANY GARDENS

TELEGRAPH ADDRESS 2901

SHANGHAI, CHINA.

每月兩期

宣統元年六月十五日  
明治四十二年七月卅日

出版

# 華商聯合報

第十一期

總發行所上海四馬路小花園三號本館  
印刷兼發行所上海威海衛路蔚文公司

郵政特准掛號認爲新聞紙類



# 永年保壽總公司

今天下各國之人莫不知保壽險之利益故凡保壽險之公司莫不日見興旺誠因泰西人所慮者遠所思者備能防其家眷或偶有不測百年後不至窮乏無告也且人之集蓄自知窟藏



無益故願出而生息既知公司可靠則限定年月或十年或十有五年或二十年可從公司中本利取回利益兩得何樂而不為本埠英華商設永年保壽公司已有多年業蒙中華官紳富商士民不棄託保者源源不絕但中土地廣人衆欲使人更為周知故特再為廣告本公司現為東方一極大之保壽公司所做保險生意現約有二千五百萬兩之多而公司之存款現約有四百萬兩可付保壽者極大之利核計本公司付過賠款願繳保單之款及利款已有一百萬餘兩如有欲知其詳者可寄函於上海廣東路十三號本公司總局中本公司即速郵送保壽險之章程一冊並可知其中之利益但來函務須開明大小地名住處始能郵寄不誤本行資本殷富人所共知凡托保者決無錯誤

董理總公司事務

華商李雲書  
英商麥札雷格  
施的發來司

董理兼總經理英商華田  
書記及壽險計算員郁賜  
華總理謝峙淳

# 英 美 煙 公 司

此煙由本公司精選上料加工監製

每包二十支氣極芬馥味極溫和暢



行已久中外馳名凡仕商賜顧者

請至各經理處均有發售

牌 子 鋸

新嘉坡 壽而康大藥房  
 (膏 骨 虎 血 補 風 追)

僕以中國藥創製內服虎骨膏已七八年于茲矣初猶不敢出以問世嗣以各戚友及相識者屢試屢驗互勸出售以故遂從其請乃發兌未逮三年尋愈者不可數計謝函盈尺書不勝書足見本藥房虎骨膏製煉之精良功效之神速斷非他家所能比擬也謹將功用據實錄陳以供同胞之便覽焉此膏味甘而芳性純而和補而不滯溫潤得宜專治風濕雙補血添精補髓益腎寧神健脾胃壯筋骨理腰膝助元陽無論男女凡中風中疫手足麻木感受風濕左癱右瘓半身不遂口眼歪斜花柳遺毒週身骨痛手足拘攣筋縮不舒偏正頭風歷節鶴膝婦人經閉不通臨經腹痛血海空虛赤白帶下產後諸風色風酒風脚痛腫房勞過度咳嗽步履艱難腰脊酸痛四肢疲倦飲食少思精神恍惚夜夢遺精痰飲咳步履艱難嘔血吐血久年風痛氣血衰弱跌打損傷骨節疼痛用力過度以及諸般風濕血虛之症服之皆能効驗如神而且掃除烟毒培補真元凡烟癮之保康強誠衛生中之無上妙品也謂予不信請試便知自能消除百病永

▲▲總發行新嘉坡賭間口第六十七號門牌壽而康中國藥房

▲代售處小坡後馬車路福成號

外埠如欲採購祈書明住址寶號姓名本藥房自當格外從廉以酬雅意以廣招徠

一概不加郵費有代售者其價目自當格外從廉以酬雅意以廣招徠

惟空函及不滿一羅者恕不奉覆此佈

中樽價銀伍角 每羅伍元

壽而康藥房主人康頴菴謹啓

# 上海華通水火保險股份有限公司廣告

## 上海總公司

## 外埠分行

本公司資本規元壹百萬兩，稟准農工商部註冊立案。總公司設在上海五馬路十四號洋房。各埠均有分公司。凡房屋廠棧貨物器皿衣服等項火險及船隻貨物等水險，俱可承保。倘遇不測，賠款異常迅速。仕商賜顧，請與本總公司經理接洽，自當格外克己，以副雅意也。

### 董 議

李厚祐 倪思九 王哲震 李哲溶 林世傑 樓丕詔 心如

### 董 總

林爾嘉 劉安祜 李厚祜 洪紹修 董杏蓀 李厚祜 孫鑣泉

(南京) 李府巷寶善源銀號 宋雨棠

(蘇州) 閶門中市裕蘇官銀錢局 馮錦楓 金麟書

(揚州) 左衛街大生莊 李壽卿 陶渭川

(鎮江) 西門大街裕蘇官銀錢局 朱中孚 李高裕

(杭州) 上城高銀巷源豐潤銀號 陳聿笙 梁藜青

(甯波) 江東甬泰號 謝仲笙 吳敏齋

(福州) 閩中洲街乾一莊 邱心得

(廈門) 番仔街萬記洋行 邱心得

(北京) 大清銀里

(天津) 估衣街口泰豐里

(烟台) 新關街合順號

(青島) 大抱島天津街和源銀號

(牛莊) 營口鎮慎康記

(大連) 監部通一丁目十七番德昌號第二支店

(安東) 華界興隆街第一區二十三號合順號

(蕪湖) 館驛巷長街寶善長銀號

張叔威 周則久 宋慶人 王蔭市 楊資市 鄧永齡 高殿選 李長青 梁文臣 鄭頌祥 劉寶駿 馮廷楨 陸永基 蔡海帆 蔡瑞卿

●本館啟事一

(徵求文件)

本報以現當研究商法講求商戰之時代應將各埠商業習慣商業情形詳細調查敬求海內外諸公將華洋商人交涉案卷抄示及將各業現行規則如辦事章程與交易銀期等類並貨物市價金銀市面盈虛消長一切現狀與其原因隨時見告以便按期彙登如或著爲論說寄示本報亦當選錄

●本館啟事二

(徵求照片)

本報列有海內外圖畫影片一門凡海內外偉人名蹟及商會學堂工藝實業機器等之有關繫者均擇尤登載惟本館見聞有限務請諸公隨時賜寄並祈詳細叙明俾便撰語附印以徵實在而供衆覽無任盼禱

●本館特告一

本館爲交通商務起見特於本報首尾加訂彩紙備登各項告白分門別類排印精工使閱者易於醒目

海內外諸公如有應登告白務祈隨時賜登至深盼荷價目列表如下

期限	版幅	全版	半版	全版四	全版八
全年		八十五元	五十一元	三十一元	十八元
六個月		五十三元	三十二元	十九元	十一元
三個月		三十三元	念元	十二元	七元二角
兩個月		廿五元	十五元	九元二角	五元五角
一個月		十六元	九元六角	五元八角	三元五角
一期		十元	六元	三元六角	二元二角

此項告白例洋預繳

本館特告二

本館為聯合同胞互通聲氣起見特仿西法設有照相告白。門凡個人團體有願賜登者請將照片寄下本館當製成銅版用膠紙精印倘欲叙列事蹟無論詳略均請自撰句語本館亦當照刊庶幾四海賢豪恍如靚面不至有相見恨晚之慨茲將價例列左 一全版每期洋三十元 一半版每期洋二十元

一全版四分之一每期洋十二元 一銅版或自備或本館

代辦均可如代辦以六方寸起算每方寸計洋四角

本館特告三

本館為聯合同胞便於通信起見特設名片告白一門凡個人社會均可登載全年收例洋六元列成表式如左

名號	職業	地址	註要
○○○號	何何業	地址如有更所註至多改隨時示知二十字為限	

此項告白每屆年終人名用百家姓依次編列行號公司各從其類彙印成冊分送冊內列名者

本館特告四

本報社會小說所載之也是西遊記今因著作專家奚君冕周忠痛之後旋發寒熱現尚在家調攝暫行停刊以各種短篇小說相代至從前所刊之僑恨小說以一時編纂匪易已由君貽擬商新舞臺排演成劇閱數月後即可實行此後海內諸君既可藉擴見聞海外諸君諒亦同般盼望也



●緬甸商會為澳門界務上外務部及粵制軍電

列堂憲廣東制台鈞鑒澳門勘界爭在海線領土主權尺寸無讓乞 咨高大臣開議堅持

僑民痛念梓局迫切妄竄

●旅滬贛同鄉會致外部電

為英捕嗎仕擊斃余發程案

外務部列憲鈞鑒余發程案英領始終袒庇憑空臆斷以致冤沈莫白輿論沸騰懇  
大部協商英使秉公迅結以平民憤而固邦交旅滬贛同鄉會胡文達等公叩

●駐滬九江代表致外部電

同上

余發程被英捕嗎仕擊斃英領袒兇憑空臆斷昨由江督札飭滬道照會英臬催再  
開訊尚無定期乞大部迅商英使電飭英臬及早訂期秉公判結以順輿論而伸奇  
冤九江代表周鴻助王受彤等公叩

●旅滬江西商會致外部電

同上

余發程案含冤莫雪商民共憤懇迅商英使飭英臬秉公覆訊以順輿情

●上海國民協會致外部電

同上

華商聯合報 海內外要電

英領袒兇余案沉寃人心憤激漸有抵制英輪風潮若不先事預防恐此風蔓延全國後患不堪設想中英邦交素好懇與英使理商迅將余案秉公判結以維大局國民協會張邦傑等公叩



# 華商聯合報目錄

## ●上諭

●海內外圖畫影片

蘇門答臘把東華僑吳淑達君

和屬爪哇泗水華僑蔣報料君

●海內外時事社言

籌抵苛待發表意見書

上攝政王稟

上農工商部稟

●官場種種之怪現狀

宰相迴護賣路賊

撫臺提拔逃軍官

徒善吃飯之監理官

專好鬪牌之監理官

●海內外紀聞

攝政王之新政見

商會預備舉行博覽會

外部將添襄辦交涉員

梁尙書對於安南華僑之辦法

王部郎對於巴埠華僑之補誌

傷哉僑澳同胞之訴告

愚哉僑歲同胞之呈請

中國民命價值如此

華人生命郵款可了

中日交涉文字之規定

中日交涉案件之將結

日人強在內地營業

華商抵制洋人設肆

●海內外商會紀事

英屬溫哥佛華商總會之創舉

湘省平江縣商務分會之成立

美國商會願與上海總商會聯合

嘉興商會提議南洋勸業會辦法

杭州商務總會之衝突原因

安慶商務總會之選舉情形

江蘇錫金商會盛賀總理接任

福建廈門商董公舉總理聯任

●海內外商會同人錄

新嘉坡中華商務總會已酉年總協理議董表

江甯商務總會已酉年總協理議董表

江蘇省泰州海安商務分會已酉年總協理議董表

●海內外半月大事表

宣統元年六月份上半月

●海內外要電

上海中國華商銀行創辦事務處爲收股事致新嘉坡華商總會電

江西商學界爲余發程案致外務部電

●海內外通信

創辦中國華商銀行上海商會代表李徵五報告南洋各埠認股情形書

安徽繁昌商務分會坐辦張錫九君致本館函

●海內外公牘

緬甸中華商務總會

正副總理花翎分部郎中

曹璧如 楊逢年

上農工商部稟

(爲移追倒騙案件乞  
咨飭屬認真辦理由)

●海內外學務

學部對於外人設立學堂之注意

學部對於各省轉派學生之政見

溥尙書收錄華僑子弟之先聲

端制軍限制華僑學生之近聞

推廣各省殖邊學堂之計議

設立各省偵探學堂之政策

江甯振淑女校開假期美術專修班

揚州幼女學堂設假期美術補習社

●學務表

南洋荷屬各島中華學堂學董姓名表

(續)

●海內外商情

上海白棉價昂之原因

高麗參歉收而價昂

六月份上半月各國滙票行情表

六月份上半月銀市錢價表

六月份上半月金市表

六月份上半月股票行情表 下期并

●海內外實業

溥尚書管理玻璃公司之近狀

陳制軍創設農林總局之現象

江甯馬鞍山僧人助立蠶桑公司

安徽當塗縣紳士稟設漁業公司

豆業暢見銷場之原因

木工新製機器之創聞

直隸灤州煤礦開會研究之詳情

江西贛州銅鑛改委整頓之先聲

●海內外調查叢錄

華商各業現行規條第五十四至五十六

江西九江弛禁米穀裝輪出口設立總滙公所章程八條 光緒三十一年二月二十三日施行

甯波紳界爲接濟民食公請開弛鎮江米禁呈甬道桑鐵珊觀察文 宣統元年五月  
杭州商務總會預籌米食辦法大綱兩細目四條 光緒三十三年

●華洋交涉案卷

立餘莊控祥泰公司堂諭譯文

(續)

●海內外比較雜誌

比較與不比較之比較

●短篇小說

旅邸秋聲



華商聯合報  
 中華民國二十一年  
 十一月十一日  
 星期一  
 第...期  
 本報地址...  
 電話...  
 廣告費...  
 訂閱費...  
 零售每份...  
 印刷所...



上 諭

監國攝政王鈐章 六月初四日奉

上諭貝子銜鎮國將軍載振加恩著在內廷行走欽此 軍機大臣署名奕劻世續張之洞鹿傳

霖假那桐差

監國攝政王鈐章 六月初七日內閣抄奉

上諭慶親王奕劻奏職任繁重兼顧爲難懇恩開去管理陸軍部事務以專責成一摺慶親王奕  
劻老成謀國志慮忠純於所管各項重要差務贊襄規畫備著勤勞茲據奏陳各節情詞出於  
至誠自應俯如所請慶親王奕劻著准其開去管理陸軍部事務以示優加體恤之至意欽此  
又奉

旨陳夔龍電奏悉湖北入夏以來大雨連旬蛟水驟發漢陽等府屬田廬半淪澤國人民淹斃亦  
多殊堪矜憫著該督督飭印委各員分赴災區分別情形輕重妥爲撫恤無任失所欽此 軍  
機大臣署名奕劻世續張之洞鹿傳霖那桐差

監國攝政王鈐章 六月初八日內閣抄奉

上諭袁樹勛奏分別舉劾屬員一摺山東濟南府知府張學華署東昌府知府濟南府同知黃篤瓚濟甯直隸州知州丁兆德准補鄒城縣知縣賈景德署黃縣知縣補用知縣武昕試用同知盧士棻既據該撫臚陳政績均著傳旨嘉獎署魚臺縣知縣補用知縣陳伯和藉案苛罰怨讟煩輿試用知縣張蓉鏡於署黃縣任內虐商殃民聲名狼藉邱縣知縣孫景先才庸識闇治盜無能署黃縣黃山司巡檢試用典史黃廷謨任意勒罰衆謗沸騰清平縣典史吳起鵬年老多病捕務廢弛候補同知郭昂識闇才庸候補同知梅兆棠性情貪詐候補知縣林介策派修河工糜費過甚著一併革職陳伯和黃廷謨並著查明罰款按律究追林介策有無浮冒侵蝕情弊仍著查明核辦餘著照所議辦理該部知道欽此 軍機大臣署名奕劻世續張之洞鹿傳霖那桐差

監國攝政王鈐章 六月初九日內閣抄奉

上諭孟秋時享 太廟遣懋林恭代行禮後殿派溥偉行禮兩廡派鐵麟延秀各薦獻欽此 又 奉

上諭奉天巡撫著程德全補授吉林巡撫著陳昭常補授黑龍江巡撫著周樹模補授欽此 又 奉

上諭雲南開化鎮總兵員缺著劉全忠補授欽此 軍機大臣署名奕劻世續張之洞鹿傳霖那桐差

桐差

監國攝政王鈐章 六月初十日內閣抄奉

上諭甘肅甘涼道員缺著楊樹補授欽此 又奉

上諭山西太原府知府員缺緊要著該撫於通省知府內揀員調補所遺員缺著連兆補授欽此

軍機大臣署名奕劻世續張之洞鹿傳霖那桐差

監國攝政王鈐章 六月十一日內閣抄奉

上諭郵傳部左參議著梁士詒補授欽此 軍機大臣署名奕劻世續張之洞鹿傳霖那桐差

監國攝政王鈐章 六月十二日內閣抄奉

上諭河南河北鎮總兵缺著黃貫三調補歸德鎮總兵著玉壽補授欽此 軍機大臣署名奕劻

世續張之洞假鹿傳霖那桐差

監國攝政王鈐章 六月十四日內閣抄奉

上諭補行召見京察一等之內務府郎中誠璋著交軍機處記名以關差道府用欽此 軍機大

臣署名奕劻世續張之洞假鹿傳霖那桐差

監國攝政王鈐章 六月十五日內閣抄奉

上諭本日引見之辦學期滿翰林院庶吉士張琴著授職編修欽此 軍機大臣署名奕劻世續

張之洞假鹿傳霖那桐差



和屬爪哇泗水華僑蔣報料君

蔣君僑泗多年。屢為中華商務總會協理。為人熱心。能不為威武屈。當中國駐和參贊錢公念劬之至。爪哇查考華僑商業學務也。君與李雙輝、洪學根、陳信初、陳吉甫、黃雲階、朱馥卿、黃靄歐、陽瑛、許綺亭、盧厥德、張濟安諸君發議。謂錢公奉命來泗。我等係中國子民。當開會歡迎。升我龍旗。致敬。惟一時無從購辦。由君鳩工。趕製。按照工值發售。有所存積。虧損。由君自認。傳單布告。同僑感動。和官危懼。命逮君及張君濟安。而李君等十餘人皆爭往。後獨留問張君與君。張君詞既不屈。而君尤獨任其事。謂皆係其所自為。且直數和人虐待華僑。狀和官無如何也。頤壽之至。其地與君既日相晤。論知其為人。而聞諸輿論。亦嘖嘖稱道其事。泗水商會至於



錄其問答紀其始末成冊而藏諸會所。頤壽亦曾見之。他日當摘其大要列諸交涉案卷以資研究。今年夏更承君以爪哇全島調查所得者見示。約計數萬言。而語皆摯切。不浮誕。於中國國勢尤三致意。頤壽不敢掠人之美。以為本報光敬。當於按期分登。外刊印專書附註案語。以告當世云。

蘇門答臘亦和蘭屬地。把東其屬埠也。吳君之僑居其地也。不知其幾世。今年夏。把東華僑某以此影見寄。題其旁曰。大清國賞戴花翎道銜選用知府把東中華商會學堂大總理和國蘇門答臘大把東甲必丹吳淑達福建漳州府海澄縣人。



蘇門答臘把東華僑吳淑達君

君貽曰。南洋華僑往往至於不能自道其祖籍甚且自忘其為中國人。其為甲必丹者則又類以其小小之異族功名傲人。平時對於同僑又好施用其強硬手段破壞學務。阻碍商業。無所不至。其有明於義理者則復激於時勢持之太過。以異族之功名為耻。而爭欲力辭。夫力辭固是。然使明於義理者而皆辭焉。則勢必皆以不明義理者任之。

是亦可慮也。若吳君淑達以甲必丹而為商會學堂之總理。是其能提倡振興之可知。於祖國之名器祖宗之籍貫大書特書。則其能愛國愛鄉也。又可知。倘亦所謂王猛仕秦而心乎普者非耶。

海內外時事社言

●籌抵苛待發表意見書

馬吉郎中華  
學堂女教員 梁麥鴻漸

國際有公例焉。所以准前後通彼此者也。若既無定於前。欲卒然特設於後。既可減免於彼。欲卒然強行於此。是之謂非公例。非公例者。不出於虐。卽出於苛。交涉有公理焉。足以明是非。爭氣節者也。若我既大明其是。而彼偏以爲非。我既堅爭以節。而彼偏強奪以氣。是之謂無公理。無公理者。實相壓以蠻。且玩弄以辱。夫至於虐與苛。蠻與辱。雖施之匹夫匹婦。猶有所不服。起而力爭之。況施之我團體日結之中國。我民氣日強之中國之民。而謂能啞然受帖。然服絕無抵抗之思想乎。月之十三日。儂夫、偕妹及男同胞兄弟五百餘人。女同胞姊妹六七人。由港同附荷商輪芝刺執往爪哇各埠。至二十日而忽下旋於文都各同胞多非上是埠者。詢之何以停泊。蓋因驅逐新客之故。妹聞之。已不勝愧忿。又忽來男荷醫生強迫以徧驗女身之酷例。夫此酷例從無所定於前。今欲開其端而強於後也。且此酷例既已銷滅於星洲。今反

橫設於爪哇也。當斯時也。妹與衆同胞。惟有據公例以伸公理。謂凡非登是埠者。無論男與女。不該是埠之醫生。有徧驗權。卽或強驗矣。亦僅有男醫驗男女。醫驗女之辦法。此正公是公。非衆口一辭。有持節不撓之氣。乃該船主者。竟猶逐我男同胞。以鞭該男醫者。更威逼我女同胞。以勢然。猶賴衆臂一呼。謂如必以男醫徧驗女身。則寧願全船返港。斷不甘受此非例。非理之苛待。衆志成城。團體愈結。無奈相持既久。卒不免於畧驗女而赤身徧驗男。嗚呼。是役也。彼實行其虐。行其苛。出於野蠻。使我等特受其辱也。嗟哉。妹雖女子。身亦國民之一份子。卽生命犧牲。原何足惜。豈知辱妹等。卽辱國體也。發端於是。役後之百種苛辱。有不堪設想者矣。語云。涓涓不塞。將成江河。青青不折。將成斧柯。彼以爲中國辱甚。何施而不可。何求而不得。殊不料我同胞。民氣日強也。雖當日之小團體。卒不免於辱。亦未嘗不爭回於一二。若能大結團體。大張民氣。前蹶後振。再接再銳。爭公例。表公理。力籌抵抗。務絕苛辱之後患。蓋團結同胞。一舟之中。小用則小效。今更實望其大用。而大效也。我各貴會衆同胞。其能熱心公益。熱心於同難相急乎。一唱百和。則妹幸甚。衆同胞幸甚。中國幸甚。馬



吉郎中華學堂女教員梁麥氏鴻漸謹上。

計當日同舟之團體芳名有容惠梁宜雅梁瓚等共式百叁拾柒名。

●上攝政王稟

蘇門答臘把東林拔來稿

具稟人潮州府揭陽縣現充蘇門答臘把東中華學堂教員林拔

爲學堂仇商會阻教員侮學生辱商學董拘國體掃地乞速與駐京荷使開正式交涉以維僑心而顧國體事竊披嘗考萬國公法凡入會國之來往自上自君相下至平民一律皆以平等相待不得有厚往薄來輕此重彼稍存歧視之舉今吾中國與英俄德法美日荷蘭諸國非皆入會之國乎乃英俄美日德法諸國之商民之在南洋荷蘭屬地也出入自由來往自由凡一切經商營業皆與荷人相等甚且荷人之待英俄德法美日之商民較待荷蘭自己之商民更覺優禮有加卽荷人與英俄德法美日各國之商民之在我中國也我政府待之亦莫不盡禮致敬加意保護而獨至我華僑之在南洋荷蘭屬地也則大謬不然無論其不以平等相待甚且人頭辮子門戶椅桌皆有稅牛羊雞犬牲畜咸有捐卽行商坐賈出入之貨件往來之路字無

不任其抑勒。任其留難。任其苛抽。然此猶曰吾國從之。所謂奸商賤賈。朝廷久置之。不論不議之條。無足怪也。今學堂商會。朝廷非赫然特設商部學部。以維持振興之者乎。朝廷又非屢派視學戰艦。以巡視僑學保護僑商者乎。而不知荷人之苛待吾僑民。依然如故。不稍末減。近更變本加厲。雖吾國至尊貴至寶重之教員之學生之商學董。出入亦必須路字。其給路字也。亦必親至荷署。量其身體之高低。人格之肥瘠。否則科罰不貸。至於商學董稍有微隙。可乘即任意拘拿。任意囚禁。而不知之恤如敵校於光緒三十二年開學之期。被其阻止。而即延緩月餘。今更遍設荷校。與我華僑子弟入學。大減學費。如從前入彼大學小學。每月學費十五盾者。今僅降為一二盾五角矣。從前吾華僑學堂。每年荷官皆准其自開彩票。一次以助學費。今荷人又不許矣。此荷人仇視吾學堂之大概也。商人設立商會。以研究商務之盛衰。萬國已譜為公例。今荷人乃敢蔑視我政府。違背乎公例。顯然向我外部阻止我華僑設立商會矣。光緒三十三年間。敵校陳教員惠亭與學生吳世業等五人。晚飯後十點鐘出門訪友。因月明不持燈。即被科罰矣。又去年敵校教員翁同文由厦抵東。

給帶護照。荷人亦不准用。必親至荷署。量身給字矣。荷例凡教員醫生皆免身稅。而實武呀中華學堂何郭兩教員則被其勒去身稅數十盾矣。此荷人之侮吾教員辱吾學生之大概也。光緒三十二年敵校董事潘長麟洪成德及商人五人因李捷被人暗殺一案。語稍牽涉。而即拘禁二十閱月。甚且枉判充軍二十年。後經拔等電請端制軍懇外務部與荷使交涉。至去年八月十九日始出獄矣。又本年王部郎大貞乘兵輪至爪哇。抵日惹埠。有萬隆埠商會總理楊明簡。至日惹謁王部郎。回時路字忘帶。亦被罰銀二十五盾矣。近日吧城商人賴有仁無端而被荷官拘禁三閱月矣。此荷人拘禁吾商學董之大概也。凡此皆披耳所聞。目所見。身所歷。其他耳雖聞而目未見。身未歷。以及財產之被荷人侵佔吞沒。或數千萬。或數百萬。或數十萬者。尚不可以僂指計。嗟嗟荷蘭之在地球。非三等之國乎。其土地之面積。非七萬五千六百萬里乎。其人民之總數。非五百一十萬零三千乎。其通國之財產。非每年二十九億六千九百萬元乎。其平時之兵額。非二萬五千人乎。而乃敢於仇視吾學堂。阻止吾商會。侮慢吾教員。屈辱吾學生。拘禁吾商學董。今又迫吾華僑入彼荷籍。若不速

爲設法保護以圖善後。荷蘭如是他國效尤吾華民之僑居於東西南洋英俄德法美日荷蘭各屬地者九百餘萬其後局尙堪設想哉。今當新主當陽賢王攝政一切內政外交雷厲風行大加整頓用敢將荷屬僑民被虐情形畧陳一二請賢王速諭外部與駐京荷使開正式交涉凡我華僑教員學生商學董及各商人出入來往當照萬國公法止憑護照不用路字其餘平民亦當一律平等相待如荷政府不准可將此事移照萬國和平會裁判倘荷政府又不允惟有請我賢王下令與荷人決一勝負諒荷蘭乃蕞爾小國聞之定必退讓如不退讓果至用武當此僑民被虐僑心內向民氣大伸之時需籌巨款以濟軍費亦無難一呼而至也內爲祖國外爲同胞不得不爲我賢王陳之是否有當伏祈賢王採擇施行僑民幸甚祖國幸甚謹稟

宣統元年五月初一日上

●上農工商部稟

敬稟者竊職等僑寓外邦心懷祖國每聞長朝廷興一利除一弊未嘗不默計國民

果受實惠否。主權不致旁落否。利源不至外溢否。祇以事關國政，不敢冒昧。陳今幸。詔飭預備立憲。歲僑聞風，莫不交相勸勉。幣制一端，每有陳說利害，求為稟請。鈞部奏准改良者，正擬上稟。適新嘉坡商會函告條陳畫一幣制，請為指陳得失，協力維持等情。當經開會議決。職等竊維今之幣制，若銀圓若銅圓，各省既不能流通，卽一省之中，市場貿易納稅完糧，勒抑高擡，出入互異，甚至銀兩用衡，各縣不一。且一縣不一。奸商漁利，科吏舞弊，民生凋敝，竟有屏焉不可終日之勢。職等籍隸山東，試以山東錢市論，以銅圓易銀，每兩價須京錢三千八百，以四成制錢六成銅圓易銀，每兩價須京錢三千。若純用制錢，按京錢二千五百之數，可易一兩之銀。小民變賣糧食，制錢分文不見，以銅圓至錢店易制錢，每京錢一千須加四百五六十至五百。至於糧櫃，從前每兩銀以京錢三千八百核算，嗣漲至四千二百。今更漲至五千二百。民納國課一兩，須以銅圓核京錢七千之數。蓋因糧規每兩既定五千有奇，每千又須八二五制錢，准攬用一七五銅圓。民無制錢，不得不任其折扣。此商富官富而民貧之所由來也。雖然，害在民而利在官，商猶未出於一國也。其尤甚者，外

人乘之。或收我制錢鑄運銅圓入華。或在上海等處收買金條出洋銷鑄金幣。或在津滬煙營等埠開設銀行製行鈔票名爲通商實則我國利源侵蝕殆盡其故何哉。蓋各國幣制由銀本位躋於金本位而附之以銀究其所附之銀以現時價值金銀四十一倍之比例核之常不滿金幣本位之足數然價值往往超出重量之外職等經商於俄即以俄之銀幣論約重華規秤五錢五分有奇近日匯至滬上竟值八錢九分左右有時且漲至九錢四五分匯至煙台值曹秤八錢四五分匯至東省值吉秤八錢三四分其故又何哉蓋銀幣祇用以襄助分配若論時值則有金幣之本位在以銀爲主者不得占此利益無待言喻况貴賤賤天演之公論如銀之賤而能爲國幣之本位難矣富強二字爲立國之本而富尤居首要當此商戰劇烈時代坐視利源外溢殊非朝廷改良幣制之宗旨弓矢干戈不足爲今日干城之器而知造槍礮戰艦爲急務何金幣爲商戰之利器而不思取用是徒知有形之戰爭而不知無形之戰爭也若謂我國存金太少開採無多不足鼓鑄誠然但凡遇改革之事必出於萬不得已斷非徒事更張遠則歐美近則日本其改鑄金幣時豈金貨充斥

而樂爲之亦迫於時勢之變遷耳。然則以職等管見。時至今日。欲改良幣政。內以補救民生。外以收回權利者。其要有四。

(一) 金位宜籌定也。夫各國既以金位之幣佔我利權矣。則我非用頭等金貨。斷不足定國幣之本位。誠使調取各國金銀銅三品大小各幣。仿照公法合宜之衡。酌定金本位。以期抵禦外人。未始非富國裕民之道也。如以金貨缺少。可先擬定制度。明詔天下。改良金本位之國幣。收買通國人民金貨。從速鼓鑄。一面調派出洋學生。精於礦學者。勘苗開採。嚴訂條例。禁止私售金沙。金條。斷不可如漠河等礦。開採十餘年。更易數總理。虛糜經費。而所出金沙。半盜賣於俄境。近且任工人採取。月納金若干。其餘均爲工人之利。盡賣於黑河。悉畢利銀行。每一若洛尼克。合華一錢一分有奇。價易俄錢四羅布八十戈比。此豈採金之正辦哉。今若改人力開採爲機器開採。所得之金。盡歸國家。嚴禁盜賣。並限制官民金製飾品。以充足之。上下一心。竭力整頓。不數年間。堪收效果矣。此籌定金位之一策也。

(二) 幣權宜劃一也。夫國幣既擬定金位以挽利權矣，則非定劃一制度，斷不足以

幣權昭信。中外誠使合金銀銅幣三品，酌定重量以金為本位，而輔以銀圓銅

圓金幣抵大銀圓五枚者，重仿各國約一錢一分左右，由五而十而十五而二

十重量，照加銀圓之大者，重不可奪，金幣價作大錢一千文，永無漲落，而輔以

值五百值二百五值一百值五十文之小銀圓銅圓之大者，比較五十

文之小銀圓折半，而當二十五文，更輔以當十五當十當五，而至一文為止，層

接補助，輕重得宜，雖以銅圓易銀圓，或金圓均照定價，不得稍有增減。詔飭

通國稅關糧櫃一律專收商市出入，一概照用，無稍挑剔，無稍折扣。如有違者，

無論官商，按律罰辦。查俄國二十年前五八銀圓，每有抑扣之弊，嗣經俄皇下

遂絕今雖改五八銀圓為五舉凡銀錠制錢不得為通用之幣，民知國幣歸一

豈有不樂用之，而樂用他國之幣之理。此非利國便民之實致乎。至於長官廉

俸，員役薪資，既定國幣，縱改兩數，而酌加圓數，以收上下交通，劃一無二之效。

而樂誰敢冒不韙而言非計哉。此劃一幣權之一策也。至今日幣局真清矣，因以辨



(一) 幣政宜統一也。夫金位既籌定，幣權既劃一矣。則非歸度支部專一鼓鑄，斷不足成統一之幣政。誠使金銀銅幣三品定層接補助制度，責成度支部，攷察成色核奪模型，審定記號精細鼓鑄，不得稍有參差致蹈從前各省鑄圓局之覆轍。鑄成後，詔飭儘若干期限內盡收各省所鑄之銀圓銅元，以及所存金銀制錢改鑄法定之大小金銀銅圓，頒行各省官商一律通用。舉凡各省之鑄元鑄錢等局悉數裁撤，官知幣爲國有，特權斷不敢請鑄。民知國幣重量劃一銷燬無利，萬不思鎔鑄。若有盜鑄者，無論爲何等錢，何等人，盡置之法。其有國民恃外勢或外人鑄運入華者，應先布告各國不得藉口於條約而出爲干預。倘各國政府認可，則嗣後遇此等案件歸我法律懲治之可矣。此統一幣政之一策也。

(二) 銀行宜歸實也。夫金位既籌定，幣權既劃一，幣政既統一矣。則各省大城垣商埠非特設國家銀行，斷不足規銀行之實在誠使由度支部撥提金銀銅幣若干交派精於經濟公正無私之員分駐各省大城垣辦理國家銀行事宜。遇

殷實商鋪需款查明實在資本酌量借給取據限期歸還到期不繳者按律封  
 產以取償本息爲度若有官員需款非有殷商擔保例不借給若有以銅元易  
 銀元或金元皆隨民所欲概行收換不使稍有歧視雖銀銅各元日久磨光准  
 商民隨便呈驗果係部製國幣亦許換給試觀俄之羅布以鈔票盛行於我東  
 三省直隸山東各處而我商民竟樂於取用無他不過有銀行收換出入歸一  
 足以昭信於人耳此其明証若夫官紳商民稟明國家開設銀行除按律定  
 繳國稅外須將資本若干交國家銀行查實方准開設若該銀行欲出紙幣若  
 干須將實款交存國家銀行否則不得擅出以免若江省之廣信公司有票無  
 錢上海之信義銀行期年倒閉外此若錢莊若匯兌各錢店亦概須按律純用  
 國幣不得再有銀兩匯兌錢票亂市等事庶幾國幣流通於國內見重於外人  
 矣此銀行歸實之一策也

以上四端尤要在監鑄經理得人監鑄之員以辨明成色不辭勞怨爲貴經理之人  
 以脫除官氣革除情弊爲宜如果實行其事則鼓鑄務求其精成色務求其高以杜

盜鑄冒用之弊待至。朝廷有實行國幣之權。閭閻有信用國幣之日。而後再由度支部籌金銀若干。封藏國庫。永遠不動。庫存若干。金銀即精選堅細紙料。責成某大員三人畫押。查此項畫押須仿各國置有小機器由某秘製若干。鈔票由抵一元而三而五而十而二十五而五十而一百而五百極之於一千元爲止。亦詔飭頒行各省一律通用。與金銀銅幣三品相爲輔助。收兌劃一。必使視同金幣。人人見信以爲便。於取携樂於需用。彼洋商之入我境者。雖欲不用我之國幣。至是亦無如之何也。至於制度法律。詳備章程。究竟若何釐定。朝廷自有權衡。方今聖上御宇。賢王監國。百度維新。而於財政尤爲注重。誠上爲國計。下恤民生之道。職等仰蒙列憲之恩。俯准僑商之請。約畧條陳。謹效芻蕘之獻。如蒙採納。可否由鈞部通飭海內外商會。詳加核議。以收集思廣益之效。俟稟覆鈞部。復奏請飭交政務處。資政院諸大憲核請施行之處。伏候鈞裁。所有職等不揣冒昧。條陳幣制利害緣由。理合肅稟上呈。伏乞訓示。祇遵。不勝叩禱。待命之至。肅上稟敬啟。

崇安伏維 垂鑒

崇文封辦 年終

昨書辦由駐合蘇稟上呈文云 馬示面登不密甲辦發 命之至留辦上稟請期  
 更辦與資文詞請大憲封請並行之封封刻 段茲再首 善不謝冒和辦與保備  
 飯前亦內長商會藉以封請以東東思專益之效封稟 良備辦 委辦商交

既憲之恩謝那辦商之請除署封辦華效器善之辦  
 寶王留國百與辦商而氣 封辦回否由 良備

回也至封辦與否看 封辦自亦辦商式今 聖上降字  
 以發到封東 封辦下封辦之封辦至景亦無取之  
 封各省一封飯與金銀國清三品用封辦此封良性一必動也 封辦人人具言



而三而正而十而二十正而五十而一百而五百辦之封一千元封五元 臨西取

大員三人書明 大員三人書明 大員三人書明 大員三人書明 大員三人書明

與支滙金銀若干封辦與車未盡不傳車封若干金銀封辦並辦辦辦辦辦  
 盜竊冒用之案封至 封至官實封國清之封國置官言封國清之日而封再由

官場種種之怪現狀

●宰相迴護賣路賊

譯西報載汪大燮屢被攻揭外慚清議內疚神明擬請開郵傳部侍郎之缺徐圖外簡駐使以避風潮密商某巡撫探老慶意旨慶謂暫避亦妙獨南皮張中堂力持不可謂今日橫議囂張已極抑之猶恐不及豈可更助其燄若竟去汪則將來吾輩之升沈亦得操持其後朝廷大權何在云云嗟乎前明楊沈諸公力參嚴嵩相繼失敗嵩位益固亦猶是耳浙人不爲楊沈已屬徼倖乃欲去汪非求前而却步乎請研究嚴嵩最後之結果去汪之道思過半矣不然浙人攻汪愈力則汪位愈固電牘交馳去之適以留之耳

●撫臺提拔逃軍官

杭州函云有周鼎甲者副將銜在北洋當差本爲增撫舊部此次來浙謁院求差經增撫面諭督練處參議斬副戎妥爲安插斬因一時無相當位置又不敢玩違憲諭

特創設先鋒官名目專札委充並飭差弁賚札赴周寓所據云三日前已束裝他適不知去向差弁據情回報軍界咸爲詫異有知其內容者言周在北洋曾與參議同事詳知歷史所填功名半多虛僞深慮參議摘發故先見機潛逃云

●徒善吃飯之監理官

某西報載監理官劉世珩陸世芬業已抵津入局迄今未發一言如楊督故時各局所紛紛進盛筵送經懺焚紙紮名爲公祭其實備辦祭品之需皆屬小民膏血不過費一跪拜之勞耳嗚呼以地方辦事之財供諂事鬼雄之費而監理官刻無舉動人已詫異何此事猶未監理尙望清理耶然聞監理官甚善飯每餐必四五大盞果爾是亦監理官之大特色也

●專好鬪牌之監理官

上海各西報載福建監理官嚴璩五月間抵閩卽行回鄉一月有餘日擁妻妾泛舟江干爲避暑尋涼計雀聲絃韻遠徹街衢到省伴劣紳王允哲家邀同財政局提調王純劣紳陳培銀等爲卜晝卜夜之雀談勝負以千金計嚴璩誠豪矣哉現以王純

王允。暫。充。科。長。局。中。有。二。大。王。之。稱。其。氣。燄。可。想。見。二。大。王。自。充。科。長。後。欲。博。嚴。之。歡。無。日。不。爲。其。籌。一。雀。局。或。花。局。嚴。樂。此。不。疲。置。財。政。於。不。問。云。

記。者。曰。劉。陸。二。人。不。如。嚴。君。遠。甚。蓋。嚴。雖。有。嗜。好。猶。可。謂。謹。守。聖。訓。魯。論。曰。飽。食。終。日。無。所。用。心。難。矣。哉。不。有。博。弈。者。乎。爲。之。猶。賢。乎。已。此。之。謂。也。然。則。如。嚴。者。洵。不。愧。爲。當。世。大。學。問。家。之。佳。子。弟。矣。

華商聯合報

官場種種之怪現狀





海內外紀聞

●攝政王之新政見

(一) 注意各省偏災 據政府人云。監國攝政王。近閱報紙。因知各省水旱偏災。屢見不一。惟多有尙未奏報者。深以爲慮。日前諭飭樞臣。分電各省。速卽詳細查明。受災情形。及辦理賑撫事宜。據實奏報。以紓宸廑。

(二) 議防用人流弊 內廷人云。日前攝政王與樞臣提議。自創辦新政以來。人才缺乏。遂有破格用人之舉。而綜核內外臣工之所列保。其中雖不乏真才。然沾恩納賄。及任用私人之處。亦復不少。嗣後應亟設法防閑。以杜流弊。庶於新政前途。方無窒碍云。

●商部 商會預備舉行博覽會

農工商部溥尙書。現已決定。於宣統八年。舉辦帝國博覽大會。惟此會甚屬繁重。且關係緊要。已交諭各司員。自現在起。卽將關於此會之事宜。設法預備。以昭慎重。

記者曰帝國博覽會舉行時期須在宣統八年而大部已飭司員設法預備然則南洋勸業會開辦即在明年吾不知當軸諸公其將設何法以預備之耶

●外部將添襄辦交涉員

聞外部以現與各國辦理未結交涉案件多屬難於解決者擬奏請添派唐紹怡汪大燮李家駒三大員暫行襄助以便隨時籌議一切云

記者曰汪大燮何如人也非前任外部力主滬杭甬鐵路借款者乎外部何亦奏派襄理外交耶嗚呼唐李有知當必羞與爲伍矣

貽曰惟其力主滬杭甬鐵路借款也此外部所以奏派襄理外交也

●梁尙書對於安南華僑之辦法

外部以法人虐待安南華僑擬定三種辦法如下(一)派遣領事駐紮安南河內(

二)與法使磋商令札飭安南法官善待華僑並減輕賦稅(三)每年奏派大臣乘

兵輪前往慰撫並調查華僑一切狀況造報具奏聞俟與駐荷陸星使商妥後即奏

請施行云

記者曰。大部對於安南華僑擬定三種辦法。管見所及。莫如第一種爲第一要著。至第二種云云。此其權非自我操之。若派員慰撫調查。計非不善。然使不得其人。則何如不慰撫不調查之爲愈也。

●王部郎對於巴埠華僑之補誌

爪哇函云。商部派赴南洋慰撫華僑之員外郎王大貞。抵巴達維亞後。即傳集華僑會商國籍法事宜。華商均已註冊。送駐和大臣查照。並由華僑請求將和領苛例改善。已咨陸大臣查照。詳情容後續報。

記者曰。此之謂慰撫華僑。此之謂慰撫華僑之王部郎。

●傷哉僑澳同胞之訴告

紐斯倫之屋蘭埠華僑。因該處關員對於華人入口異常苛待。日前特舉代表唐君至章靈。吞向中國領事黃君訴告。一切並求設法維持。茲探得所告種種苛待之實情。計有四端。(一)日前有粵人男婦孩童共九人。由粵省至巴比得道。經屋蘭擬登岸。旬留然後換船。前赴達希得。該處關員堅令每人除照例付人口稅英金百磅外。

另付百磅以抵其不能應考入境之資格兩項計共英金一千八百磅須至離開紐斯倫時始行給還惟向例祇有人稅百磅籌辦已非易事今又益以例外之歛更不易爲力於是關員不令登岸強令離開所乘之雪尼大船換坐此公司之舊船威靈吞號該婦女孩童等海行日久方擬登岸少憩然後附輪他往不意不蒙許可反強令移坐小輪停留港中直與楚囚無異因向屋蘭埠華僑乞援華僑亦無法可籌公舉唐君面謁領事轉向稅務監督交涉始允照向例徵收入口稅九人計共九百磅此外之九百磅仍應令埠中的實華商具單保證云(二)目下達希得一埠華僑總數共一千四百人其中多以經營商業爲事富厚者亦不乏人彼等與法國屬地之商業時有聯絡然欲抵法屬勢不能不假道雪尼及屋蘭乃近日新頒苛例凡假道者必先納人口稅一百磅以爲保証三三久寓屋蘭之華人遇有事暫行離埠除以小照簽押及指印投交稅關作爲憑証外他日回埠雖比對無訛仍須付保証金百磅俟數星期後查明確實始行給還(四)有中國學生一人在本國曾受高等教育因有兄某客於頓尼顛特往省之並擬留學該處即按美國禁例亦斷無留難之事

不意該生抵頓尼顛時關員仍令納保証金百磅目下該生已入本地高等學校肄業並未出就職業照例應向稅關索回証金然至今仍未發還云

記者曰中國領事曷爲而設乎爲保護僑民而設也今僑澳同胞慘受關員苛例如此尙得謂之保護直謂之無領事可也然則吾同胞之請代表將種種苛待情形訴諸領事亦何補哉

●愚哉僑歲同胞之呈請

海參崴一埠華民最多華民中尤以山東人占全體十分之八九大自商店下至工役無不有山東人耐勞苦忍嗜欲又富有冒險進取的性質得事則勤懇盡力不得事則去而嘯聚山澤或橫行市廛人類既多自不能免而俄人每逢華人違警者爲南方人尙不問一知爲山東人異常虐待據久居崴埠者云每年崴埠山東人無辜被殺於俄人者通常爲五六人我商務委員從不過問今屆新領事初次駐崴聞東人將歷年所遭慘死情狀呈請領事以後力行保護云

或問記者曰山東人之性命何外人不重之如此記者曰非外人不重之也我山

東人不自重之也。何以言之。曰。山東人民。既具有冒險進取的性質。何在而不可往。奚必旅居。歲埠慘遭俄人之戕害乎。太上曰。禍福無門。惟人自召。僑歲同胞。其思之。

●中國民命價值如此

唐山開平礦務局塌陷一穴。斃華工二十四名。業經地方官檢驗屬實。日前該工家屬多名。涕哭赴礦務局。力求撫恤。該員英人已照舊章。每死者一名。發恤洋四十元。並派工人用車載運石土以填該穴。

記者曰。吾中國民命價值之賤。竟一至於此耶。嗚呼。誰訂此章。其賤賣民命於外人。也有如斯乎。

貽曰。然則以中國人民。號稱四萬萬。一人四十元。統四萬萬人計之。是亦一大宗進款噫。

●華人生命卹款可了

福州英商臺閩小輪船撞翻漁船溺斃倪森銘等五命一案。上月二十二日。由縣約

會英領稅司理船廳並洋務局所派幫辦唐繙譯在洋關會審該小輪撞溺船隻並不停輪救援咎無可辭詎理船廳一味偏袒堅不認錯只令該輪主酌給卹款以作了案幸閩縣張式如大令重民命保國權據理拒駁並告以此案是誰曲直儘可辨論斷難以卹款了事使死者含冤生者自危已據情稟請洋務局竭力與英領事交涉。

記者曰若張令者可謂鐵中錚錚庸中佼佼者矣雖然其如一薛居州何。

●中日交涉文字之規定

日政府提議此後中日交涉文件概用東文業由駐京日使照請外務部核辦現經該部議定以後凡外部與日使往來文件東文漢文均可爲憑若京外各省地方官員未必盡曉東文且各衙門亦未必皆有繙譯概用東文殊多窒礙反致糾纏各省地方交涉應仍以華文爲準除照覆日使外一面咨由南洋大臣轉飭各關道知照矣。

記者曰中日交涉往來文件向例用東文乎抑用漢文乎如向用漢文也則今茲

何以用東文嗟乎文字之盛衰隨國勢之強弱爲轉移。哀哀諸公可不惕歟。貽日不如此不足以見中日之交涉。

●中日交涉案件之將結

上海泰晤士報云。東京政界中人。謂北京政府極欲將中日兩國未了交涉。早爲議結。故決意簡派大員。前往日本與東京政府直接會議云。

記者曰。間島、東沙島以及安奉鐵路各問題。皆現在中日未了交涉中之最重大者也。簡派大員與日政府直接會議。則對於此項問題。結局何如。要當視其所派之員爲何如矣。

●日人強在內地營業

日本人曲培在大南門外開設萬森硝皮廠。有違約章。迭經總工程局傳訊。房主沈桂山及租房出面之徐汝金。先將該廠門封閉。三面予限。月杪遷去。違即將屋充公。旋有日本市中心也等二人。赴工程局裁判所。謁見孫裁判。面懇通融。緩限。並引日暉織呢公司及龍璋造紙廠均在內地營業。亦有雇用日人作工。今曲培在該店。



作工並非自行營業。請援照該二廠爲例。免予查究。孫裁判即將二日人婉言謝去。聞日人已稟由該管領事拜會滬道孫裁判。亦即據情申稟道憲。請爲查核云云。

記者曰：外人在內地營業。有干例禁。正可據理直爭。何必婉言謝之。況在內地營業者。日人也。借日人以營業。基者固猶是中國人也。亦猶是中國人之產也。欲封則竟封耳。何封閉三面。予限遷去爲嗚呼。治內有餘。治外不足。中國官場大抵如此。或告記者曰：中國官場治內亦不足耳。不然外人何敢違禁而在內地營業耶。

●華商抵制洋人設肆

江甯洋貨業全體稟請江督照會各領事轉飭各洋商將所開行棧一律遷往下關等情。頃聞江督對於此種問題甚難解決。緣劉忠誠公議定通商條約。誤以金陵二字包括通商口岸。故外人行棧愈開愈多。即使地方大吏爭以口舌。彼即援此爲藉口。現聞各商欲作再三之請。以爲後盾云。

記者曰：此種問題之解決。深望新任江督之張公然亦視商界之後盾爲何如耳。



海內外商會紀事

●英屬溫哥佛華商總會之創舉

英屬溫哥佛埠華人貿易或傭工者爲數甚多向以勢渙力微未能聯合茲該商等集議創設商會公舉同知銜李驥林繼朝爲總協理擬具章程稟請商部立案業已批准並頒給關防一顆文曰坎拿大溫哥佛華商總會關防藉資信守云

記者按溫哥佛在英屬坎拿大西南境爲哥倫比亞省之大埠距今二十年前爲林木榛莽之區自太平洋鐵路公司橫截大陸與大西洋輪船相接而該埠商務驟臻繁盛茲由華商倡議稟設商會要無非謀中國商業前途之發達也吾既傾心以悅其成立吾又拭目以觀其成效

●湘省平江縣商務分會之成立

湖南平江縣近來商務日漸發達各行商董擬就縣城設立商務分會公舉凌紳爲總理由職商鍾期嘉等具稟省垣總會業已批准先行試辦一面詳請農工商部核

示委派並移會勸業道平江縣查照立案云

記者曰商會之設所以聯絡商情開通商情也。況地當要衝商務繁盛有如平江者乎。設立分會洵屬要舉。

●美國商會願與上海總商會聯合

洋商總董德樂君以上海商會去年有擬邀南清及中央各省商會於上海之舉。美國火奴魯魯商會極願與會以敦中國及夏威夷商界之睦誼。如邀該商會來滬當選派極有聲望之大商代表前來現駐滬總領事維禮德君搭輪回國經過火奴魯魯前日致函商會畧謂貴商會如實願邀該商會派人來滬游歷以備研究商業並與各商會聯合本總領事正宜乘此機會自向火奴魯魯商會代為聲明云云。記者曰商會對此問題不識如何答復或告記者曰子毋過慮上海商會諸公老成歷練當必善為答復諒不至放棄責任損失權利啟異日外人越俎代庖之謀也。

貽曰聯合二字同人所願聞者也。然欲聯合他國人必先聯合本國人。現在上海

商會對於本國人何如對於本會人何如。

●嘉興商會提議南洋勸業會辦法

嘉興商會總理高紳續任邀集衆商開正式大會提議南洋勸業會出品協會決定附設杭州總商會並決定每星期日開研究會研究商法草案云

記者曰南洋勸業會出品協會海內外商會均當協贊其成豈特嘉興商會已哉然如高紳者續任開會之時首行提議及此洵可謂熱心人矣

●杭州商務總會之衝突原因

杭州商會各議董與興業銀行孫某衝突一節現聞愈久愈烈查其原因遠近有二一以前月杭州組織商學公會孫君實爲發起人章程完善商界信從旬月中不期而入會者多至四五百員錢業與總商會中人居其多數而商會中之不入公會者遂欲與孫氏爲難此其遠因一自商部接到孫氏條陳批飭勸業道派委查辦於是所謂議董者爲金某不平實自爲地會議多次幾至決裂雖經董觀察調和猶未冰釋此其近因有此二因釀成惡果茲聞商會決議聯合各業從此進出不用興業鈔

票必去孫而後已。惟錢業獨不贊成云。

記者曰：此事曲直在商會乎？抑在孫氏乎？明眼人自能知之。然設立商會所以聯絡商界也。今以聯絡而演成衝突，亦可謂現世商會之大活劇矣。噫。

●安慶商務總會之選舉情形

皖省商會總協理胡宋二君，因與輿情不洽，兼續任期滿，由鳳、大、臣、商、號、稟、奉、皖、撫、批、仰、勸、業、道、札、飭、各、商、董、另、行、開、會、選、舉。茲於本月廿七日，經各商假座明倫堂，開正式大會，復設甌、投票、選舉、經勸業、巡警、兩道、派員、監視、開票。路君琪光得最多數。張君杏書、周君兆熊、許君汲、三李君小巖、次之。茲聞路君極力辭退，商界中人擬選舉張、李二君以承其乏云。

記者曰：如路君者，較諸鑽營賄託之流，固未可同日語矣。然觀某日報所載，畧謂李君一執袴子耳。年少輕浮，不孚衆望。若膺斯職，則恐宋胡之不如耳。記者不敢盡信，而亦不能不信。因正色以告李君曰：輿論如此，君其有則改之，無則加勉乎。

●江蘇錫金商會盛賀總理接任

錫金商會總經祝紳大椿任滿辭職。本年更舉薛紳翼運接任。茲於本月初一日行正式交替。是日紳商學界到會致賀者不絕於道。錫金兩邑尊亦來申賀。商餘錢業兩體操會更排隊歡迎軍樂盈耳。頗極一時之盛。

記者曰：總理接任賀者如是亦幸事也。然今日之所以申賀者意固在彼而不在此也。受賀者其知之否。

### ●福建廈門商董公舉總理聯任

廈門商會定例一年選舉議員及總協理一次。茲於前月十五日閩厦十二途郊商董公同選舉。在商會當衆開筒檢視投票均仍公舉林爾嘉京卿聯辦總理之任。林君再三固辭。各商董議員決定不允。已電商部堅留矣。

記者曰：斯人不出如商界何。





海內外商會同人錄

●新嘉坡中華商務總會己酉年總協理議董表

會所在 水仙門

職務	姓名	號字	籍貫	年歲	職銜	現任某業董事	執業	住址
正總理	林維芳	維芳	廣東新寧	四十七	藍翎候選同知	● ● ●	寶源當富源當 總辦廣益銀行	土庫街
副總理	張顯宗	善慶	福建南靖	五十一	藍翎四品街 中書科中書	各項土貨業	高慶輪船行 薛音不列	保黎後街
協理	蔡名英	子庸	廣東澄海	六十二	花翎候選道	蘇杭貨業	元發糖米棧 成發綢緞莊	馬車街
協理	陳德潤	德潤	廣東海陽	五十六	藍翎候選同知	蘇杭什貨業	恒茂元茂綢莊 四海通銀行	十八間後街
協理	陳聲爵	永錫	廣東海陽	七十七	花翎二品街	● ● ● ●	萬成順運羅樹 膠藤米公司	十三行街
協理	簡耀麟	仁石	廣東新會	三十九	● ● ● ●	廣貨業	廣恒行	中街
協理	梁敏修	敏修	廣東南海	四十三	● ● ● ●	機器木料業	新巨泰公司	吊橋頭街
協理	陳榮光	撫琴	廣東嘉應	三十九	● ● ● ●	土貨業	恒發當	吉寧街
協理	陳振聲	仙鍾	福建同安	四十六	候選州同	南洋土貨業	合隆仰光米棧	老吧薩街
協理	顏振春	煌年	福建永春	五十五	花翎二品街候選道	南洋土貨業	萬通行	保黎後街
協理	林文慶	夢琴	福建海澄	三十九	考授英國醫學博士	種植樹膠椰業	九思堂西藥房	土庫街
協理	張乃孚	扶來	福建同安	五十七	藍翎候選同知	碩莪粉椰乾各業	四海通銀行	鐵吧薩街



第 十 一 期

華商聯合報 海內外商會同人錄

議 員	查帳 議員	議 員	議 員	議 員	議 員	議 員	議 員	議 員	議 員	議 員	議 員	議 員	議 員	議 員	議 員	議 員	議 員	議 員	議 員
劉文南	陳拱宸	薛秀嵐	王道中	陳吾從	周榮光	林癸榮	李鴻星	顏蘊玉	林順池	謝有祥	劉春波	盧熙耀	王紹經	黃可輝	鍾飛雲	黃漢光	藍樹業		
文南	紫居	瑤峯	會疑	先進	潤享	竹齋	智安	石覺	順池	有祥	水萍	熙耀	紹經	實甫	小亭	雲輝	晉臣		
福建同安	福建同安	福建同安	福建同安	福建同安	福建海澄	福建同安	福建永春	福建海澄	福建海澄	福建海澄	福建同安	廣東瓊山	廣東樂會	廣東文昌	廣東嘉應	廣東嘉應	廣東大埔		
五十四	四十八	三十七	四十八	三十七	五十九	五十一	五十三	五十	五十二	四十三	五十六	四十一	五十	六十六	四十六	四十一	十四		
●●●●	同知街	候選州同	五品銜指分廣東試用縣丞	●●●●	藍翎同知街	藍翎候選同知	州同街	同知街	●●●●	●●●●	候選州同	藍翎同知街	光祿寺署正	四品候選同知	五品職銜	藍翎都司銜	監生		
錫礦椒蜜業	土貨業	樹膠藤椰米業	金珠寶石業	米業	南洋土貨業	金珠寶石業	南北雜貨業	土貨業	洋酒業	土產業	土貨業	雜貨業	種植椒蜜業	南洋各埠土產業	東洋貨業	南北雜貨業	●●●●		
●●●●	金福和行	萬益興棧	鼎盛興舖	吉美行	協榮茂輪船行	自南鳳梨廠	元裕號	顏源和號	恆興廠	豐和號	益泰安行	錦成號	恆裕成公司	瓊源豐公司	謙和棧	信昌隆輪船	大安當振安當		
賭間口街	老吧薩街	保黎後街	源順街	老吧薩街	源順街	王家山脚	麻六甲街	保黎後街	墊帮路頭	保黎後街	中街	海南街	鐵吧薩街	瓊州會館街	絲絲街	馬祖宮後街	火城街		

江甯商務總會已酉年總協理議董表

議 員	議 員	議 員	議 員
張茲文	洪福彰	吳邦瑞	鄭鍾蘭
詒煥	必爵	榮申	續榮
福建永春	福建海澄	福建海澄	福建海澄
四十二	四十四	四十八	三十五
花翎候選同知	●●●●	●●●●	花翎都司街
綢緞布業	土貨業	洋餅業	糖業
永泰布莊	源隆公司	和和公司	聯盛行
五代天宮街	老吧薩街	酒廊內	塾板路頭

職 務	總 理	協 理	坐 辦	議 董	議 董	議 董	議 董	議 董	議 董	議 董	議 董	議 董
姓名	宋恩銓	張子林	桂月華	何 鉞	秦 寅	周伯龍	朱鍾萱	江之聖	魯源深	鄭東陽	趙金鑑	趙金鑑
號 字	雨 棠	翰 儒	望 之	鑑 庭	曉 春	植 庵	培 生	杏 村	祥 林	燮 珊	鏡 潭	鏡 潭
籍 貫	安徽歙縣	江蘇江甯	安徽石埭	江蘇江甯	江蘇六合	江蘇江甯	江蘇上元	安徽貴池	江蘇江甯	江蘇江甯	安徽太平	安徽太平
年 歲	五十一	七十二	四十	六十八	四十一	五十二	七十六	四十七	五十九	四十二	四十七	四十七
職 銜	同知銜候選知縣	五品封職候選縣丞	同知銜候選知縣	候選布政司理問	升用知縣	候選知縣	候選訓導	候選州同	五品銜候選州同	五品銜頂十成監生	江蘇補用縣丞	江蘇補用縣丞
現任某業董事	錢	緞	錢	錢	錢	錢	錢	典	緞	綢	洋	洋
執 業	寶善源經理	張裕泰號東	生昌號東	寶善源經理	庚源號東	裕源祥經理	永隆典經理	永豐典經理	魯泰昌號東	九章恒經理	萬泰號東	萬泰號東
住 址	李府巷	李府巷	水西門	李府巷	承恩寺	坊 口	花牌樓	顧 樓	弓箭坊	綢緞廊	弓箭坊	弓箭坊



●江蘇省泰州海安商務分會己酉年總理議董表

議董	董	董	議董
董燮生	周桂芬	王家珠	董
天成	月齋	寶芝	董
江蘇江甯	江蘇江甯	江蘇江甯	董
三十九	三十六	四十五	董
從九品	五品職銜	職監生	董
頭繩業	火腿	典業	董
天成號東行口	益興號東	慶餘經理	董
	彩霞街	珠寶廊	董

總理	議董	議董	議董	議董	議董	議董	議董	議董	議董	議董
劉芹	韓瑩	韓潮	陸寶慈	劉蔚	譚德麟	蔡鴻綬	夏瀾	張立淹		
翰香	玉鑑	漱白	味芝	子蒼	侶樵	次青	鏡清	永清		
泰州	泰州	泰州	泰州	泰州	泰州	鎮江丹陽	泰州	泰州		
三十七	五十	三十七	四十二	三十五	三十二	三十五	三十八	三十六		
附生	從九職銜	布經歷銜	監生	附生	縣丞職銜	監生	監生	從九職銜		
●●●●	●●●●	●●●●	●●●●	●●●●	●●●●	●●●●	●●●●	●●●●		
同盛錢油業東慶記酒業	日盛糧食業	韓元大糧食餅業	陸廣大糧食業	慶記糧食業	譚復盛祥糧食油業	正元坊餅業	夏履豐油業	張萬生和八鮮業		
海安西區	海安西區	海安西區	海安西區	海安西區	海安西區	海安東區	海安西區	海安西區		

# 海內外半月大事表

## 宣統元年六月份上半月

科目	日期
肅邸將 派往蒙 古興辦 警察	一
	二
	三
大理院 開訊王 昌熾訴 冤案	四
	五
	六
	七
聯豫溫 宗堯電 奏江孜 亞東創 設警察 業已和 平商妥 全無妨 礙	八
	九
	十
趙爾豐 電奏駐 藏政策	十一
	十二
禁煙大 臣修訂 煙律	十三
	十四
	十五

財 政	軍 政
署理直度支部 督那中會議速 堂爲北定幣制 洋財政之策 電商樞 府	樞部擬 速設海 軍部攝 政王以 海軍基 礎尙未 籌有頭 緒暫從 緩議
	陸軍部 奏請提 前舉行 徵兵並 請設立 軍諮府
都察院 代表朱 有濂理 財條陳	
	陸軍部 移交海 軍處檔 案於海 軍大臣
粵督張 安帥奏 賭規關 係鉅餉 須先籌 抵欸期 漸禁遏	陸軍部 慎密籌 備西北 邊防
錫良奏 江省財 政困難 情形	
江西巡 撫馮奏 江西財 政困難 請飭部 設法撥 濟	



學 務	交 涉
外學兩 部選派 留美學 生辦法 解決	攝政王 諭樞臣 辦理外 交宜官 民聯絡
湖南體 陵瓷業 學堂奏 准立案 並撥經 費遷監 督接管	外務部 入奏外 交難辦 情形
貴冑法 政學堂 擬設豫 備科三 年畢業 再行出 洋游學	
	日韓新 伍欽使 協約發 密陳公 表韓國 斷專約 政府歲 出減少 約百五 十萬
	中日兩 國擬再 開懸案 談判會

商務

實業

郵傳部  
奏山西  
回蒲路  
線股資  
情形

外部爭  
皖礦頗  
力豫礦  
並未與  
英使商  
及

廈門商  
務總會  
開會歡  
迎王大  
貞

攝政王  
諭樞臣  
挽回航  
路權

江西紳  
商學界  
鐵路勸  
股會電  
稟郵部  
維持路  
事

度支部  
奏訂專  
章限制  
官商號  
濫出鈔  
票

日本農  
商務大  
臣大浦  
兼武演  
說勸告  
日本有  
力商家  
研究清  
國商務

政務處  
會議擴  
張銀行  
資本

美國運  
動西滄  
洛滄開  
徐清徐  
海徐五  
路借款

● 海內外要電

● 上海中國華商銀行創辦事務處爲收股事致新嘉坡華商總會電

新嘉坡中華商會總協理均鑒上海收股定六月十五起至八月十五爲首次收股期貴埠何日開收請酌定示復收據已郵寄乞代電轉各商會華商銀行事務所叩

● 江西商學界爲余發程案致外務部電

北京外務部王爺中堂大人鈞鑒英捕嗎仕擊斃余發程案聞已提京會審伏乞大部主持按法力爭務達懲兇目的江西自治研究會教育會商務總會公叩蒸



海內外通信

●創辦中國華商銀行上海商會代表李徵五報告南洋各埠認股情形書

謹啓者。厚禧於戊申四月十六日在上海啓行。念三日到廣州。廣州商會總理張弼士君。先期已赴南洋各埠。祇晤坐辦吳君介銘及會董沈金區盧諸君。談次以抵制日貨一事。上海商會未表同情。深以爲憾。卽銀行一事。亦有嫌其興辦太遲之意。經禧剖白理由。始各釋然。惟論及選舉代表。同往新嘉坡聯絡一節。則云須待張總理回粵。開會再定。力囑先往新嘉坡會商。俟舉定代表。卽行赴坡。然後會齊三處代表。同往各埠勸股。並繕付帶往新嘉坡商會一信。信內叙明願共上海新嘉坡兩會同任發起之責。禧等遂赴香港。

四月念九日。在香港接廣州商會信。言張總理適到新嘉坡。已發電接洽。請速往會晤。遂於五月初一日乘英輪赴新嘉坡。到後卽晤張總理。討論銀行事。甚爲詳細。繼允卽日回廣。商舉代表來坡協議。囑禧在坡守候。迨張君回廣後。久無音信。坡會發

電去問。乃接其復電。畧謂水災籌賑。築路籌股。暫時無暇兼及。容稍緩。協力籌辦。云。坡會同人。均云。事機不可坐失。即以上海新嘉坡兩會。首先發起。亦無不可。遂舉定林君竹齋。林君夢琴爲代表員。蔡君子庸爲領袖。創辦員。除將所訂招股章程。分寄各埠外。另立發起人簽名冊一本。蓋印書明股分。計

上海商會貳百萬  
新嘉坡商會壹百萬議由

等帶往各埠簽認股數。一面並致函上海商會聲明各情。

七月念二日。偕新加坡商會代表林君竹齋等。在坡起程。念五到巴達維亞。總理李慶廉君。協理邱燮亭君。相待極優。認股五十萬元。

八月初九日到。慕月。慕月無商會。祇在中華會館。邀衆開議。均極贊成。惟請暫緩簽認。俟集有成數。無論多少。均附屬於巴達維亞。但聲明不在巴埠。五十萬元之內。卽晚回巴。十二再往萬隆。商會總理楊明簡君。副總理陳君田君。協理陳仁義君。會議數次。簽認二十五萬元。

十七日起行。下午抵日惹。廣商會。二十開會。認股二十五萬元。公舉協理張鴻雁君爲代表。

念二日赴校。羅厲商會念三開會。簽認二十五萬元。舉坐辦龔仲謙君爲代表。至校羅後。新加坡商會代表林竹齋君。因天氣太熱。病不能支。先行回坡。巴達維亞代表陳金山君。亦以有事。請白壽山君代往各埠。遂亦返巴。萬隆代表因商會方在設立。關防未到。故未同行。日惹代表張君。則請傅仰山君代理。又有一埠名井里汶。亦祇有會館而無商會。白壽山君承認。前往招股。所有股份。亦照慕月之例。附於巴達維亞。

念六日同龔傅二君。至泗水。攷爪哇一帶商業。以泗水爲最盛。商會諸公。均贊成銀行事。九月初一日開會。總理李雙輝君。副理蔣報料君。協理張濟安張石玉君。當晚簽認五十萬元。初二晚再開燕會。竭力演說。衆更踴躍。再認五十萬元。共一百萬元。諸君熱心團結。相待極優。張石玉君慷慨篤實。素與家兄雲書互相投契。故此於銀行事尤爲出力。甚爲可感。並蒙特設盛筵招飲。聞一席之費用洋七百餘元。亦可見其相款之誠矣。

九月初三早。即同泗水代表張濟安君。至三寶壟。初五開會。初六宴會。簽認五十萬

元三寶壟商務較泗水爲遜。且荷蘭干涉較嚴。幸協理周炳喜君到過上海。曾晤家兄。頗有感情。對於銀行極爲誠懇。加以張濟安君之聲望。素爲荷屬僑民所重。故能認至五十萬元云。初七回泗水。

九月初九日。趁船往望加錫。開會演說。承認三十萬元。當時未曾簽簿。後有關防公文。寄至泗水。云認此數。在望埠共一禮拜。遂往安班。安班開歡迎會。甚爲贊成。且已接泗水商會通知。先已招股。約得十一萬之數。亦照慕月附於巴會之例。請暫附於泗水。

九月二十左右。再往峇釐。歡迎演說。一如安埠。認股十萬元。亦照安班之例。附於泗水。

十月初六日。赴仰光。十二日晨抵口外。午時上岸。由總理曹璧如君。偕董事四人。親至旅邸。迎往緬甸中華商務總會中。十四開會。認股約祇三十萬元。曹總理甚爲熱心。至十五日。再分傳單開會。經懇切演說。衆乃續認二十萬元。共簽五十萬元。而曹君尙以爲歉。擬與親往山內添招。以曹君允爲派人。故未親往。



十九日赴檳榔嶼念二日抵埠。商會未有人接。往拜戴欣然君。戴係檳嶼大資本家。惜前數日已外出。祇晤其公子。並謁梁碧如謝夢池諸君。再往商會談銀行事。因聞內地有收回電股消息。不願認股。再三申明。此係純然商辦。不涉官界之事。則云必須見有註冊後之章程。官商界限分明。始肯協力。遂往小霹靂。則云敝處附於大霹靂。即往大霹靂。晤領袖胡子春京卿。極其贊成。惟云其地屬埠有二十餘處。一時未能邀集。俟有切實章程帶到。無不竭力協助。遂往吉隆坡。商會諸君極贊成。推首富陸遊爲代表。陸適往香港。未及簽認。遂照大霹靂之例。一俟切實章程寄到。無不竭力附股。後又至日麗。此處無商會及會館。遇張榕軒京卿張耀軒觀察二人。極爲贊成。承認招股甚踴躍。亦須俟有切實章程。再行申明確數。

從吉隆坡回新加坡住四日。再到坤甸。商會諸君派小輪至口外相接。荷官亦格外保護。開歡迎會。禮開誠演說。簽認二十萬元。臨行之時。再三丁寧。以早早開辦爲望。於是從新加坡回香港。

十二月初旬。往小呂宋。即在小呂宋過年。此地亦因知內地有收電報股分之舉。以

爲中國人辦事不甚可恃。初至之時，意殊漠然。幸有吳理卿、京卿熱心提倡，預行致書於工界團體。此會係閩人楊匯溪先生發起，會員約二千人。禧因日至工界會演說，會友遂開歡迎會。禧再演說，同胞宜各相憐愛，團體宜互相結合。會中之人，甚至流涕，親訴僑民之苦，況遂各湊認，共合五萬元。於是廣東會館亦開會歡迎，商會亦開會，連日演說，商會承認四十萬元。另有閩商會，設立在商會之先，以會友不多，亦承認五萬元。吳京卿另又致書與楊嘉忠、君楊、小呂宋之巨擘，熱心公益。此次極蒙贊助，現接其來信云：簽認雖祇四十萬元，刻下已招至七十餘萬元。其意須至一百萬爲度，並云現已派人至菲、獵濱等處招股。復接楊匯溪先生信云：工界又續招得六萬元，共計十一萬元。本擬前往安南，因正有兵事，故不果往。

己酉二月初九日，在香港由華商會所開歡迎會，到者二百餘人。禧於十一日在康樂客棧請客。當時簽股者二十萬元。港埠最熱心者吳理卿、京卿、劉鑄伯、觀察兩君竭力運動，陸續招到約得七十餘萬元。簿上暫簽五十萬元，以爲簽少繳多，有餘地步。據云大約可得百萬之譜。吳理卿、京卿本南洋華僑，而於金山一埠最有名望。爲

衆所信服。金山又爲南洋最富饒之地。有巨商陳宜禧君。曾獨辦新甯鐵路。甚爲豪富。此次吳京卿特約之來港。會議此事。遂同發傳單。通知金山幫。開會議事。禧因有病未去。到者二百餘人。各蓋圖章。公舉陳君招股。現已派人至金山開招。據云五十萬。可以作數。然未免太少。故暫不簽字。俟招定再說矣。

暹邏巨商馬順興君。被潮州有司。悞科重罪。禧與潮商高君。一同保出。渠感激。允出力招股。暹邏新設商會。即係馬君所組織。其地華僑有二百餘萬。爲南洋華人最多之地。今亦已派人往招矣。

厚禧曰。此次余往南洋。計爲時三十旬。歷地二十埠。簽股足恃者五百七十萬。又未簽而可望者約二百餘萬。我海外同胞。熱心團結。極力贊成。可感可敬。然足見上海商會。平日信孚遠方。是以踴躍一至於此。惟屢與各埠諸公晤談。均以速宜厘定章程。稟部註冊。迅卽開辦。以期一鼓作氣云云。鄙意亦謂宜趕速興辦。早觀厥成。以慰內外延企之望。至禧之此行。徒賴各埠諸公相助之力。始能略有把握。實無微勞之足紀。然回念在坡時。忽患重病。發熱至一百餘度。幸賴林君夢琴。盡心醫治。始

能告痊。惟身體從此疲弱。迄今未能復元。此奔馳之况。誠有不能不勉力自奮者。近來因至小呂宋之故。顛簸於大洋者七日。遂發暈嘔血。勢竟不支。是以只得回申。尚有數埠。未能親往。抱疚之處。力不從心。想諸君其亦諒我矣。又香港小呂宋等處。均問禧回國後。是否仍為代表。此後通信。是否係禧具名。答謂不然。某之責任。不過為此行之代表。一至回申。即將所有情形。報告於商會。是為義務已畢。代表之名。亦即解除。以後辦事通信。自有商會總協理及銀行領袖專辦。各員任之。所謂辦事各有權限也。彼等又謂辦事固各有界限。然南洋各埠之股分。均與足下面相要約。則股本未經繳足以前。足下萬不能置身事外。似以後來往各信。足下必須暫行列名。至開過大會之日為止。禧思其言。似有責成之意。不可固辭。遂以回申再議為詞。以禧之材能薄弱。實不能勝辦事之任。亦豈以幸預一名為邀請。惟以港商會等殷殷注重之問題。不敢不報告以備應付。至於通信前往之時。如須顧問一切。自當謹盡義務。每日至事務所敬聆諸君大教可耳。

再禧在香港。見香港實報。有徐景明君上粵督一稟。云在南洋各埠集股一千萬元。

擬開絕大銀行等語。督批甚爲嘉獎。並飭勸業道給與照會。又聞徐尙持有農工商部公事。將赴新嘉坡各處開收股銀云云。不知其所謂銀行與華商銀行。是一是二。在港與徐晤談時。並未提及以上各情。且現在徐已赴坡。先時亦未與<sup>禧</sup>談及其蹤跡難於測度。應否致書南洋各埠預行聲明。即祈諸君裁奪爲幸。李厚禧謹告。

●海參崴華商總會爲幣制事復新加坡華商總會函

新嘉坡中華商務總會諸仁翁台電敬覆者。前由華商聯合報轉頒。明示並上農工商部稟稿。一扣愛國之誠。溢於言表。於商場之利病。商戰之機關。外勢內情。詳明深切。讀之令人不勝雀躍。初不意我商界尙有若此之偉論。既思南洋交通最早。嘉埠尤爲歐亞過渡之要港。見聞豁展。習俗移人。宜乎公等博通宏大。爲我商界中聲唱也。<sup>啟</sup>會羈留海嶠苦寒之地。見聞淺近。智識卑微。較之公等。無啻霄壤。宗邦興革等事。每援立憲國民諮議之例。遇事直陳。而措詞不善。人地式微。螳臂當車。於國家大事。未能力挽。茲幸貴會晨鐘先震。<sup>啟</sup>會敢不竭力追隨。爰就所見畧陳。芻議井蛙。管測自愧塗鴉。明知無補。時艱徒備。部中簞貯。或因貴會鑠金之

論諸大憲爲之畧變成規則。會附驥之榮。凌青雲而直上矣。茲將上商部稟稿錄呈。記室祈指疵爲感。肅此奉復。敬請 籌安。

●安徽繁昌商務分會坐辦張錫九君致本館函

華商聯合報館執事先生閣下。昨奉 惠函。并表格見。貴報之熱心公益。欣佩莫名。惟敝分會之成立。乃晉康煤礦公司經理之姜少廷君。布業董事鳳明新。殷安仁。酒業董事陳象如。閔鍾離。與講究實業之紳士杜介如。王瑞濤。崔駿軒。楊鏡清。馬蔭侯。查衡如。章子榮。所組織。當其時。因繁昌山林叢雜。竹木柴炭。煤炭爲出口之大宗。此外農業雜品。亦復不少。擬定章程。稟請設立農商分會。意在藉農以振商。藉商以助農也。孰知三十二年冬。蕪湖商務總會。以未奉農會章程。不准合辦。故遲至三十四年九月始奉 農工商部批准。設立商務分會。雖經總理及各幫董設法振興。而籌款爲艱。毫無進步。言之赧然。現當選舉總理之期。杜君尙在力辭不任。而各幫所舉議董。亦須斟酌復舉。 惠下表格。實不敢填。茲奉勸業道委員調查實業之朱君嘉樂。請總理杜君組織農會。仍與商會合而爲一。而杜君與錫九再四籌畫。設立農

會非兼辦。半日學堂。試驗場。勸工場。使土產改良。暢銷外埠。不足振興內地之商務。敝會之意如此。不知能達此目的否。至於輸入之貨。以糖。料。布。疋。居大多數。然亦較之小鎮市。畧勝一等耳。知關 厘注。用以奉 聞。肅此佈復。敬請 公安。





文小廉市界越一密耳歐關 則主似以奉 開德其前實錫請 公安  
 贈會之意眼並不厭能去此目前否在氣輝人之看以謝得亦玉以火  
 會其家繼平日學堂友親思謀工學對士幸此貞訓德於學不呈辦與  
 四組之商會



海內外公牘

●緬甸中華商務總會

正副總理花翎分部郎中楊逢年

總理曹壁如

上農工商部稟

(為移追倒騙案件乞咨飭屬認真辦理由)

堂憲大人閣下。敬稟者。竊維南洋各埠。自設立商會以來。兢兢業業。固競言整頓商務矣。顧整頓之道。未興利必先除弊。南洋商場積弊最深者。其一。在人無團體。互相傾軋。利之所在。同種必爭。其二。在人心漓薄。僥銀倒賬。踵起效尤。致多牽累。二者不去。均為商務進步前途之障礙。迺者環球交通。商戰劇烈。華人激於外界之競爭。漸知合羣主義。舉從前自私自利之風。畧為一變。職會力所能及者。尤得隨時聯結。遇事維持。使之各顧大局。所最可慮者。則莫如作偽。日新僥銀倒賬之風。積重難返。為及今之所宜設法而杜絕者耳。華商在洋營生。全憑信義。乃向來屢有僥商蓄意騙僥。四處挪移。中途故令倒閉。甚有臨倒之時。尚復賒取貨物。變賣現資。然後席捲而逃。以致商家受累無窮。貲本較少者。頓形虧折。影響所至。全局為之牽搖。揆厥由來。皆由華洋遠隔。一被逃回中國。則無從追究。所以相率效尤。日甚一日。

職會迭

第 十 一 期

據商人赴會投告層見疊出不得不分別移請內地地方官從嚴追究其欸目較巨情形較大者或逕請飭封產業備抵原期懲一勸百除商莠即所以恤商艱惟是會遠處外洋文牘往來已須閱月而地方官遇此等案件時或隔膜歧視以爲無關緊要延宕稽遲有事垂一年而迄未見覆者其有無如請辦理之處無從遙揣而知以致案懸莫結閱時彌久積壓彌多商人有事待理卒多向隅而彼輩奸商反得逍遙無事如是而欲使後來者有所憚而不爲必不可得之數也資本爲商家命脈所關值茲市面艱難其係在場虧本無奈閉歇者固已疊疊相望加以此等僥倒頻仍更復成何商界職會再四思維惟有仰懇

憲台咨行 閩粵督憲通飭各屬嗣後凡遇此等案件由南洋各埠商會移請前來者着令迅速認真辦理隨時照復如此庶幾呼應靈捷商會權力所不能到者得地方官爲之補助使奸徒知所炯戒不復恃內地爲逃藪則僥倒之風不期而絕然後商務乃有整頓之可言職會爲革除積弊起見是否有當理合稟乞  
憲台察核批示祇遵肅此具稟虔叩

鈞安伏乞

垂鑒職會

暨如  
逢年謹稟

宣統元年伍月十一日稟

●六月二十日奉

農工商部批 稟悉所稱南洋各埠商會移迫倒騙案件懇咨飭屬認真辦理隨時照復一節已據情分咨閩粵兩督通飭各屬遵照辦理矣此批

洲東... 諸... 諸...  
 工... 諸... 諸...  
 ●六月二十日  
 官... 諸... 諸...  
 華... 諸... 諸...  
 文... 諸... 諸...



海內外學務

●學部對於外人設立學堂之注意

英德兩國派員來華建設大學一節。學部堂官異常注意。蓋以外人來華投巨資建學校以教育華人子弟。擬照會駐劄各國欽使轉咨各該駐劄國學部。嗣後各國在中國所有已立未立各學堂。具高等以上之資格者。均須注重漢文。期考及畢業大考。漢文不及格之學生。他項科學雖精。不得與優等及最優等之列。又招考新生。須分兩次考試。第一次由學部試驗漢文。擇其文理尚優。品行端正者。錄取。再由各該學堂試驗外國文字及各種科學。及格者方准入學。以杜流弊而育真材。

記者曰。外人對於中國學務。注意如此。此固司馬昭之心。路人皆知之者也。然中國學務。貴由中國人早自注意。若因外人之注意而始異常注意。吁。晚矣。

貽曰。若因外人之注意。而果能異常注意。則晚矣。而又未晚也。然則吾政府其注意注意。

麟曰。年來。東。西。洋。文。化。隨。歐。風。墨。雨。以。俱。來。中。國。數。千。年。文。明。國。粹。幾。爲。消。滅。學。部。以。考。試。注。重。漢。文。爲。保。存。抵。制。計。庸。有。濟。乎。

●學部對於各省選派學生之政見

選派學生留美一事。有主持各省勻派者。有主持歸部考選者。學部榮尙書皆不謂然。日前於各堂會議時。陳述已見大致。謂留美學生。若歸各省勻派。必多自高等學堂挑取。而各省高等學堂。未必一律完善。在辦理完善之省份。人才濟濟。未免有額滿見遺之憾。在學務窳敗之省。分疆吏接到部咨。必至敷衍塞責。故有才者未必盡取。凡庸者未必盡棄。將來赴美之後。程度低淺。不能入高等以上之學堂。虛耗光陰。浪擲國帑。殊非得計。各省勻派之說。既不可行。至歸部考選。亦非善策。蓋人才未必盡萃京師。而他處程度合格之學生。未必盡能入都與試。則良材之坐棄者。必至不可勝數。爲今之計。莫若就各省大埠。如津滬港漢之屬。分途考試。俾有志上進者。得以就近與攷云云。

記者曰。選派留美學生。就津滬港漢各大埠分途考試。豈卽能得真材而無棄材。

乎。

●溥尚書收錄華僑子弟之先聲

京函云農工商部溥尚書近向樞府提議擬在京師設立農工商大學堂一所分別正科及速成科兩類速成科專收本部司員正科則考取合格學生延長期限以資造就并擬咨飭南洋各公使領事選舉華僑子弟中通曉中國語言文字而科學素有根柢者咨送來京一律入堂肄業樞府頗踴其議但須籌議經費問題云

記者曰商部亦注重華僑乎設立農工商大學令其子弟一律入堂肄業則吾海外同胞自今而後得與觀上國之光矣何幸如之

●端制軍限制華僑學生之近聞

調任直隸江督端午帥近咨粵督以江甯暨南學堂學生額數日漸增加斷不能無所限制致於教授管理諸多未便現在婆羅洲坤甸埠本年開辦兩等小學四年之後畢業升學擬送江南暨南學堂肄業自應准予升送惟學生須實合有中學資格屆時且須由粵省先期知會由甯酌定額數能容學生若干名再由該堂照額擇送

以免擁擠而便教課云。

記者曰：端督誠加惠於華僑，故當調任之時，猶計議及此。吾海外同胞將如何以誌去思耶？

麟曰：魯論有云：舊令尹之政，必以告新令尹。端公此舉，亦可謂恪守聖訓矣。貽曰：以我愚見，所及現在，似不宜遽加限制，致灰華僑子弟求學內向之熱心。

●推廣各省殖邊學堂之計議

政府因沿邊各處防務日亟，人才缺乏，現蒙古王公奏設之殖邊學堂，辦理尙屬合宜。擬於南北洋及閩粵奉鄂魯皖等省，一律參做，設立以宏造就。聞已調取該堂章程，頒交各省辦理矣。

記者曰：興辦殖邊學堂，造就人才，爲中國今日防邊之第一政策。然欲興辦，卽不能無章程。章程者，辦事之代表也。不有章程，何能辦事？此所由調取章程，以爲開辦之基礎。然其章程果合宜歟？可參做歟？吾當還質諸當軸者。

●設立各省偵探學堂之政策



前聞民政部擬派學生專往俄國學習偵探茲經樞府提議以前擬定七項偵探要政我國現在興辦警政自應廣植偵探人才擬即通飭各省一律設立偵探學堂選擇候補人員及本省官紳聰穎子弟入堂肄業研究各國偵探各書所載案情並隨時詳譯醫學化學各理推廣洗冤之術俟畢業後分撥各府州縣凡關案中真僞虛實及一切曲折底蘊不難廉得其情以免牽累而恤民隱

記者曰我國警政尚在幼稚時代而腐敗已形極點主其政者不於此加意改良徒嘵嘵於偵探學堂亦奚以爲况如大江南北不啻有偵探隊乎聞其報告曰某革命黨……某處有革命黨……究有幾許真革命黨爲偵探所識乎或曰此之謂中國之偵探人才噫

●江甯振淑女校開假期美術專修班

江甯振淑實業女學校於光緒三十三年正月間由班亦超君發起開辦今春已畢業一班學生程度尙優班君現乘暑假特開美術造菓班自六月初三日起至七月初六日止計五星期聞該校畢業生與未畢業生均可入習云

●揚州幼女學堂設假期美術補習社

揚州彌勒菴橋幼女學堂監督郭堅忍君以大小學堂刻雖一律停課然處此學戰時代竟因炎暑虛擲光陰未免可惜特就暑假期內在校設一手工美術社招待諸女士互相研究其學科注重造花編織自六月初十日起二十九日止爲一學期并給卒業文憑現報名者頗居多數云

記者曰假避暑之名圖冶游之計莘莘學子不知凡幾茲觀該兩校之所爲鬚眉男子洵不若巾幗中人矣嗚呼

貽曰今者中國男子何一不是女人何一非女人之不若

第 十 一 期

吳意繇 葉懷瑜 李渭森 李碧濤 陳泰福 陳植英  
林弓箭 薛東漢

南安由中華學堂

陳隆祥 黃五美 陳文周 楊瓊清 傅丁財 方寶林

陳源成 陳芳美 廖蓮開 楊本福 林水生 郭金色

陳厚坤 高和美 陳源禧 莊金妙 黃懷珍 柯永良

方寶輝 王妙生 王天保 曾滿福

滿由馬士中華學堂

鍾濟堯 林長水 徐德芳 邵新美 劉海鯤 邵馬淵

馬百福 沈文美 吳文章 陳王泰 王清恩 王清揚

王厥章 余有仁 丁達沙 徐厥俊 王景水 徐明全

普布利我中華學堂

林和悅 張順然 沈正興 林長材 顏天貴 陳福安

李福成 顏天德 顏天庇 顏天字 林和香 葉和田

葉安財

蘇格臘雅中華學堂

許有成

許有敬

吳武礁

劉國領

許漢中

許振鑫

林梓教

許漢利

張開甲

許漢川

鄭同

李永興

黃三陽

張曾習

徐如章

洪元用

陳文仁

吳玉振

普我加多中華學堂

鄭春厚

陳海祥

黃懋志

陳海色

郭厥振

張景水

黃子宜

鄭添厥

連印斗

芝蘭摺中華學堂

時永泰

許振傑

潘益才

陳懷土

蔡建富

蔡建美

陳脩福

潘振德

潘益寬

潘永昆

李維遠

楊紹基

蔡慶輝

張慶禧

謝理猷

蘇益奢

林仁德

林近仁

黃丁

郭宗海

北加浪中華學堂

海內外商情

●上海白棉價昂之原因

上海白棉自六月初旬以來到貨稀少緣在青黃不接之際屢有此種情形且又存底太枯而各紗廠每日所出之紗購辦者聯絡而至以致市價提高業此者如能深知其奧利可左券而操也茲錄其最近市價備為研究棉市情形者之取證焉

通州 白棉百斤 銀二十五兩

太倉 白棉百斤 銀二十四兩八錢

火機 白棉百斤 銀二十四兩六錢

上海 白棉百斤 銀二十四兩六錢

漢口 白棉百斤 銀二十二兩八錢

四牌 白棉百斤 銀二十四兩八錢

南路 子棉百斤 洋十二元三角

按火機者。軋棉時。全用煤火機器。以軋成也。又四牌者。南市有名棉行。程大隆沈恒泰。潘正大。榮廣大四號也。

●高麗參歉收而價昂

攷高麗參一物。自下種至收成。須歷時五年之久。始可入市。再經商人繁複調製。而後運銷於中國。近年以來。高麗多事。種參土人謀生困難。又懶於進行。致種參暗暗減少。今年春季水旱不調。土人收穫總額。祇共五千餘斤。較之往年。應得一萬八千斤者。幾減去四分之三。歉收如此。而中國南北各省之銷額。所需一萬八千斤者。已無處可求。參業中人遂以奇貨視之。價格驟增至一倍。計仲夏一月之中。每斤價自七十兩。加至一百三十餘兩。誠偉觀矣。

本年新參爲上海新公司投標買得。此已誌於本報第六期者。今收成。若此。其運銷額。雖屬減少。而新公司五千斤之參額。全權在握。即三十萬大利。可操商術之奇。令人欽佩。聞南市阜昌德昌葆大等各參行。尙存陳貨四千餘觔。獲利與新公司相若。參市相慶。惟聞有六十萬金之餘利云。

據老於業參者言。今歲歉收情形如此。揆以種穫時期。則明年新參。尚不能旺。即參價須過二年後。可以平復。誌之以驗其言於將來。爲研究商學。攷求實證者之一助。





Vertical text on the left side of the page, likely bleed-through from the reverse side. The characters are difficult to read but appear to be a column of text.



# 六月份上半月各國匯票行情表

行情	日期	大條銀	英倫電匯	英倫現電	電匯四個月	銀行買進四個月匯票	銀行買進六個月匯票	帶根匯票四個月定貨
一		二十三辦 二之一	二先三辦 四之三	二先三辦 三六之十	二先四辦	二先四辦 八之一	二先四辦 十六之五	二先四辦 四之一
二		無市 禮拜匯票	◎	◎	◎	◎	◎	◎
三		二十三辦 二之一	二先三辦 四之三	二先三辦 三六之十	二先辦	二先四辦 八之一	二先四辦 十六之五	二先四辦 四之一
四		二十三辦 八之三	二先三辦 八之五	二先三辦 一十六之十	二先三辦 八之七	二先四辦 八之一	二先四辦 三六之十	二先四辦 八之一
五		二十三辦 二之一	二先三辦 四之三	二先三辦 三六之十	二先四辦	二先四辦 八之一	二先四辦 十六之五	二先四辦 四之一
六		二十三辦 八之三	二先三辦 八之五	二先三辦 一十六之十	二先三辦 八之七	二先四辦	二先四辦 十六之三	二先四辦 八之一
七		二十三辦 十六之七	二先三辦 四之三	二先三辦 三六之十	二先四辦	二先四辦 八之一	二先四辦 十六之五	二先四辦 四之一
八		二十三辦 八之三	二先三辦 八之五	二先三辦 一十六之十	二先三辦 八之七	二先四辦	二先四辦 十六之三	二先四辦 八之一
九		無市 禮拜匯票	◎	◎	◎	◎	◎	◎
十		二十三辦 二之一	二先三辦 四之三	二先三辦 三六之十	二先四辦	二先四辦 八之一	二先四辦 十六之五	二先四辦 四之一
十一		全上	全上	全上	全上	全上	全上	全上
十二		二十三辦 十六之七	二先三辦 八之五	二先三辦 一十六之十	二先三辦 八之七	二先辦	二先四辦 十六之三	二先四辦 八之一
十三		全上	全上	全上	全上	全上	全上	全上
十四		二十三辦 八之三	全上	全上	全上	全上	全上	全上
十五		二十三辦 十六之七	全上	全上	全上	全上	全上	全上

華商聯合報 海內外商情

電匯	香港	美國四個月電匯	美金現	德國四個月電匯	德國電匯	法國六個月電匯	法國四個月電匯	法國電匯	帶根匯票六個月定貨
七十五兩 二之一	七十五兩 二之一	五十八元 四之三	五十六元 八之三	二馬四一	二馬三六 二之一	二法九八	二法九六	二法九一	二先四辦 十六之七
◎	◎	◎	◎	◎	◎	◎	◎	◎	◎
七十五兩 二之一	七十五兩 二之一	五十八元 四之三	五十六元 八之三	二馬四一	二馬三六 二之一	二法九八	二法九六	二法九一	二先四辦 十六之七
全上	全上	五十八元 二之一	五十六元 八之一	二馬四〇	二馬三五 二之一	二法九七	二法九五	二法九〇	二先四辦 十六之五
全上	全上	五十八元 四之三	五十六元 八之三	二馬四一	二馬三六 二之一	二法九八	二法九六	二法九一	二先四辦 十六之七
全上	全上	五十八元 二之一	五十六元 八之一	二馬四〇	二馬三五 二之一	二法九七	二法九五	二法九〇	二先四辦 十六之五
全上	全上	五十八元 四之三	五十六元 八之三	二馬四一	二馬三六 二之一	二法九八	二法九六	二法九一	二先四辦 十六之七
全上	全上	五十八元 二之一	五十六元 八之一	二馬四〇	二馬三五 二之一	二法九七	二法九五	二法九〇	二先四辦 十六之五
◎	◎	◎	◎	◎	◎	◎	◎	◎	◎
七十五兩 二之一	七十五兩 二之一	五十八元 四之三	五十六元 八之三	二馬四一	二馬三六 二之一	二法九八	二法九六	二法九一	二先四辦 十六之七
全上	全上	全上	全上	全上	全上	全上	全上	全上	全上
全上	全上	五十八元 二之一	五十六元 八之一	二馬四〇	二馬三五 二之一	二法九七	二法九五	二法九〇	二先四辦 十六之五
全上	全上	全上	全上	全上	全上	全上	全上	全上	全上
全上	全上	全上	全上	全上	全上	全上	全上	全上	全上
全上	全上	全上	全上	全上	全上	全上	全上	全上	全上

匯票	印度	東匯	三十日	電現	日本
一四羅二之	一百七十	四之七	八十七兩	四之三	四十八兩
◎	◎	◎	◎	◎	◎
一四羅二之	一百七十	四之七	八十七兩	四之三	四十八兩
三三羅四之	一百七十	八之一	八十八兩	八之一	八十九兩
一四羅二之	一百七十	四之七	八十七兩	四之三	四十八兩
三三羅四之	一百七十	八之一	八十八兩	八之一	八十九兩
一四羅二之	一百七十	四之七	八十七兩	四之三	四十八兩
三三羅四之	一百七十	八之一	八十八兩	八之一	八十九兩
◎	◎	◎	◎	◎	◎
一四羅二之	一百七十	四之七	八十七兩	四之三	四十八兩
全上	全上	全上	全上	全上	全上
一三羅二之	一百七十	八之一	八十八兩	八之一	八十九兩
全上	全上	全上	全上	全上	全上
全上	全上	全上	全上	全上	全上
全上	全上	全上	全上	全上	全上

## 六月份上半月銀錢市價表

行情	日期	龍洋	英洋	本洋	小洋
一	七錢三分 八釐半	七錢四分 七毫半	九錢五分	六錢五分 三釐	
二	七錢三分 八釐	七錢三分 八釐七	全上	全上	
三	全上	七錢四分 九毫半	全上	六錢五分 四釐	
四	七錢三分 七釐半	七錢三分 七毫半	全上	六錢五分 半	
五	七錢三分 七釐	七錢三分 七毫	全上	全上	
六	全上	七錢三分 八毫	全上	六錢五分 七釐	
七	七錢三分 六釐	七錢三分 七毫	全上	全上	
八	七錢三分 七釐	七錢三分 七毫	全上	六錢五分 八釐	
九	七錢三分 七釐半	七錢三分 七毫半	全上	六錢六分 〇五毫	
十	七錢三分 六釐	七錢三分 七毫	全上	全上	
十一	七錢三分 五釐半	七錢四分 五毫	全上	六錢六分 半	
十二	七錢三分 六釐	七錢四分 五毫二	全上	六錢六分 一釐二毫	
十三	七錢三分 五釐半	七錢四分 五毫	全上	六錢六分 三釐	
十四	七錢三分 五釐二毫	七錢四分 五毫二	全上	全上	
十五	七錢三分 五釐半	七錢四分 五毫半	全上	六錢六分 〇五毫半	

六月份上半月金市表

行情		日期	
銀拆	一錢	一	二
洋找	七錢二分 三釐	二	三
錢找	七錢二分 二釐	三	四
銅元	一百七十七 文 八百七十五 文	四	五
市錢	一千	五	六
	全上	六	七
	全上	七	八
	全上	八	九
	全上	九	十
	全上	十	十一
	全上	十一	十二
	全上	十二	十三
	全上	十三	十四
	全上	十四	十五
	全上	十五	
現貨	四百二十 兩〇二錢	現貨	四百二十 兩〇二錢
足赤	四百二十 兩〇二錢	足赤	四百二十 兩〇二錢
條金	四百二十 兩〇二錢	條金	四百二十 兩〇二錢
沙金	四百二十 兩〇二錢	沙金	四百二十 兩〇二錢
合赤	四百二十 兩〇二錢	合赤	四百二十 兩〇二錢

海內外實業

●溥尙書管理玻璃公司之近狀

農工商部管理京師玻璃公司開辦以來頗有成效聞該公司製造辦法係仿照日本大阪島田公司製造所辦法蓋該公司總辦蔣唐佑前年東渡考查島田硝子製造所辦法回京後採購德國機器現在已安設工人一百名德國藝士二名該公司所用製造平片玻璃材料係由房山縣採運現因夏期休沐俟秋涼後該公司即行開工製造講求精良力行推擴云

記者曰玻璃亦外洋輸入品之一大宗該公司能講求精良力行推擴未始非杜塞漏卮挽回利權之補助機關也而特患其不能耳

●陳制軍創設農林總局之現象

鄂督陳小帥現查鄂省所辦工藝局所頗多均派有專辦之員惟農林事關全省鄂中所設農業學堂程度雖優但屬教育一部應即設立湖北農林總局以爲全省模

範業飭司道勘定農業高等學堂餘屋爲局所委勸業道鄒履和爲總辦農業高等學堂監督梅道光義爲會辦留日商科卒業生黃慶瀾爲坐辦并分設農林二科治事昨已佈置妥善開局矣。

記者曰設立農林局所以謀全省農林業之發達也觀鄂省之農林局組織伊始而總辦監督會辦坐辦名目繁多夫豈爲農林計乎直爲位置私人計耳噫嘻

●江甯馬躲寺僧人助立蠶桑公司

阜寧縣紳士顧汝桐前在江北蠶桑學堂研究專科畢業後以阜邑民俗偷惰坐荒實業思有以振興之適馬躲寺戒僧月池與之同志願出田百餘畝栽桑養蠶以爲之倡當由顧紳約合同志創立蠶桑公司於馬躲寺寺之東偏植桑數千株組織以來略有成效由阜邑堵大令詳經學憲批准立案並由縣出示保護以開風氣而維實業。

記者曰方外之人急公好義何亦有如是耶意者發一點菩提心以喚起全國人慈悲之觀念耳則其功德誠無量矣

貽日自一般、留學生、高譚學務、侈言實業、費無所出、於是搜刮寺產、驅逐和尚、以爲和尚乃吃十方就地紳士亦從而和之、致使和尚不得已而入東洋佛教、迨至和尚既入東洋佛教、勢力美滿、留學生不敢動於是一般紳士復變其議論、以趨奉和尚、謂和尚亦國民儒釋二教本是並行不悖、如向者留學生所爲是和尙吃十方留學生且吃十一方也、而和尚遂亦變爲留學生、若今茲月池和尚與顧紳汝桐就我所聞似遠矣。

●安徽當塗縣紳士稟設漁業公司

當塗縣境濱臨江河出產以魚蝦等物爲大宗、前有職商秦佐堯擬訂規章、在該縣境內設立漁業公司、具稟勸業道、飭縣查明、尙無窒礙、刻已據情稟詳、撫憲批示立案。

記者曰、願秦君按照公司章程秉公辦理、當塗漁業庶有起色、不然漁業公司其不轉爲漁利公司也、幾希。

●豆業暢見銷場之原因

滿洲出產大豆由來已久。去年開始運往歐洲。經製造家畜牧家以及化學家多方考驗。嘖嘖稱美。得未曾有。據製造家言。尋常豆料製油不過十斤至十五斤而止。滿豆製油可至二十斤。其尤佳者可至廿五斤。據畜牧家言。滿洲大豆飼牛與尋常豆料飼牛。其得乳可加至一倍。據化學家言。豆中滋補之料。莫如蛋白質。而以滿洲大豆爲最多。尋常豆料所含不過二十分至廿五分。至滿洲大豆則含有三十五分之多。故現在歐洲各市場無不樂購云。

記者曰。滿洲大豆運銷歐洲現象。如此將來。豆業發達。正未可量。所惜者。兩大實逼處此耳。

### ●木工新製機器之創聞

蘭谿縣耆民李元愷。素業木工。頗能研求各種機器。曾創造榨油車。水舂米等器。均能事半功倍。頗合重學原理。惟僻處山鄉。見聞稍隘。未能擴充其用。現聞該耆民業已集有資本。製造舂米機器一種。能以一人而兼三十二人之力。並無須藉水火汽電之助。裨益農工。殊非淺鮮。現聞由農工研究會。杭辛齋君呈請上台獎勵矣。



記者曰。李君亦木工界中之偉人。哉。匠心獨運。製造機器。當途應如何。以物色之。

●直隸灤州煤礦開會研究之詳情

直隸灤礦公司前月開股東正式大會。凡政界紳界學界工商界到者約百餘人。由總理周緝之廉訪報告灤礦開辦後至現在情形。復與協理孫蔭庭觀察演說告退。總協理之理由。旋由議長趙幼梅明府提議選舉董事議決。後衆股東遂各投票開筒揭曉。選定李希明周緝之趙幼梅劉仲魯陳一甫李嗣香李伯芝孫蔭庭張伯訥嚴範孫盧慎之王少泉胡季樵周實之楊溥菴等十五人爲董事。旋用複選舉法。由董事中選有總協理資格者各一人。其被舉爲總協理者爲周緝之。廉訪被舉爲協理者爲孫蔭庭。觀察後又選舉孫君華伯甄君鑄臣爲查帳員。并決議總協理任期以三年爲限。董事以二年爲限。查帳員以一年爲限。聞原訂二鐘開會。六鐘閉會。因當時探討極詳。籌畫極細。直至魚更二躍始行竣事。

記者曰。周孫二公可謂熱心礦務者矣。竊願其力圖公益。永保主權。毋爲銅官山福公司案之續。則灤州煤礦庶有豸乎。

### ●江西贛州銅鑛改委整頓之先聲

江西勸業道傅茗生前至南京稟見端督奉面諭贛州銅鑛開辦以來未著成效雖獲起礦砂亦不敷出且經理池玉如別駕性喜揮霍動輒費用千金不免虛糜公欸飭卽確查整頓云云聞傅道回省後擬赴贛州礦所切實確查以期整頓云

記者曰江督因贛州銅鑛池別駕虛糜公欸飭傅觀察確查整頓設傅亦蹈池之轍將奈何嗚呼晚近來藉礦斂錢集大眾之資財供一己之揮霍而不見有絲毫之效果者舉世皆是夫豈特贛州銅鑛有然哉抑豈僅池氏一人已哉



海內外調查叢錄

●華商各業現行規條第五十四至第五十六

江覺齋調查

●江西九江弛禁米穀裝輪出口設立總匯公所章程八條

光緒三十一年二月二十三日施行

一。米穀出口。既便商販。又增稅釐。惟搬運無節。誠恐來源不繼。本地缺乏。以致民虞食貴。現經督憲會同紳商。悉心籌議。擬訂運七留三。凡民船運米到潯。無論來自本省外省。均以所運米數核計。准以七成轉販出口。以廣商務。三成留在本處售糶。而顧民食。如遇存米無多。來船稀少。即行停止出口。以免糧價昂貴。有礙貧民生計。

一。運米船戶。情勢散漫。雖有牙行。要皆重利。不顧大體。若僅空言留三。勢必無裨。實事。仍舊悉數出境。有礙本地民食。擬在正街租賃房屋一所。設立米市總匯公所。凡有米船到潯。一經泊岸。即由牙行將船戶姓名籍貫。裝米若干。赴公所報明登簿。該船所運之米。以七成轉售業米商人。裝輪出口。不准逾額。如有匿報多運情

弊查出。將原報牙行。從嚴究罰。以儆效尤。如願盡售本地居戶。任便勿禁。

一公所應辦之事。不假官吏之手。以免需索舞弊。擬擇公正殷實商人。責成經理。公所內應需司帳繕寫等人。皆由經理商人自行延僱。倘一人兼顧難周。須請幫辦。亦由該商人自行遴選。如所用各人。不能得力。亦聽經理商人自行撤換。分別舉措。

一公所既有應辦之事。卽須蓋用圖記。方昭憑信。擬由官刊給圖記一顆。文曰。潯市米業公所總匯圖記。藉昭慎重。而杜假冒。

一設立總匯公所。原杜多裝私運。不顧民食起見。凡有商販採買米穀。裝輪轉運出口。無論本地外省。作賈客販。均由公所報關完稅。俾免流弊。由道派委精明幹練委員二員。一則專司稽核。逐日赴公所核對到埠米船及洋關出口米數。一則遵照新章。凡運輸船出口。立將某輪裝米若干。指運何口。開具清單。報道電致彼口。關道照數驗收。以符關章。而重民食。

一裝輪出口之米。現經官商會議。除完關稅釐金。統捐照章完納外。每米一擔。計重

一百五十餘斤。按照漢蕪辦法。由公所抽收經費。庫平銀一錢六分。穀麥減半。所收經費。以一錢爲開拓龍開河商埠經費。五分津貼地方各項公用。一分作爲公所經費。開支電報房租薪水紙張等用。米商運米出口。赴所完納經費。由公所刊刷兩聯收票。填寫米商姓名。或牌號。註明某日何船運米幾擔。前往何口納稅。共納經費若干。以一聯發給納銀之商。以一聯存所備查。以昭核實。

一公所查察來米。及報關納稅。以上午八點鐘起。下午五點鐘止。每日所到之米數。所抽經費。晚間開單具報。道署以憑查核。仍俟月底將所抽一月經費。開造清冊。連同票根銀兩。按月呈繳道署。俾可與新關收稅紅簿。分別核對。

一公所報關轉運出口之米。上至兩湖。下至上海爲止。開辦之後。永遠遵守。不准私運出洋。致違定制。若商販自用民船裝運米穀。上赴漢口。下往蕪湖。不在九江裝輪。概從自便。既無限以賣七留三定章。亦毋庸轉納經費。以示公允。

以上章程八條。先行試辦。如有未盡事宜。或須斟酌變通。准以後查察情形。隨時更改。以順商情。而臻妥協。理合登明。

●甯波紳界爲接濟民食公請開弛鎮江米禁呈甬道桑鐵珊觀察文

宣統元年五月

具稟甯郡紳商刑部郎中舉人童德厚翰林院編修四川學政盛炳緯花翎三品銜江蘇補用道林鍾喙福建補用道陳守淑禮部主事截取湖南攸縣知縣陸仰賢刑部主事截取江西永新縣知縣江仁徵光祿寺署正舉人戴鴻祺內閣中書銜舉人范翊鈔花翎候選道吳傳基鹽運使運同銜鄭賢滋二品頂戴農工商部二等議員顧釗等稟爲民困於內利益於外請復海運以資挽回公叩恩准電詳撫憲迅咨江督蘇撫憲准予鈞船赴仙鎮裝米仍憑護照印單由海道運甯藉平市價以蘇民困而杜溢利事竊浙東甯波暨紹台等處山澤交錯產米不多而戶口繁盛雖值秋收豐稔僅敷四月之糧向賴蘇省隨時接濟故稱長路糧食惟由內地裝運中隔錢塘曹娥二江一遇旱乾河水又復淤淺轉運需時常有緩不濟急之患道光年間乃議改從海運籌備鈞船赴揚州仙女鎮芒稻河購辦糧食就揚關報稅由長江出口遵海運甯分輸鄰近紹台各縣浙東民食始無匱乏是卽今大學士張公前督兩江時所奏稱出口之米由此口轉運彼口仍在中國境內與出洋之米迥不相同也乃自

甲午以來。海疆多事。守土者深慮以糧資敵。一再申禁。遂并出口之米。與出洋一律禁運。後經米商稟請發給護照。赴鎮江領三聯印單。至鎮海進口。驗明蓋戳。即將印單呈繳。咨回註銷。行之未久。又復停辦。迨光緒三十三年。因徐海荒災。重申前禁。而浙東之民。益形其困。夫九州土產。各有所宜。賴商營運。有無遂相交濟。即如荳麥。北來糧米。南往。經歷海道。且數千里。誠以皆在中國境內。均爲中國子民。初未嘗區分省界。况江浙近屬鄰封。尤爲向來挹注所資。在當道諸公所注意者。無非輸敵接匪二端。事關軍國。誠宜預防。然既有護照及三聯印單。可憑確係由此口轉運。彼口祇須責成各關卡。於進出口時認真稽查。白無他慮。若未及統籌全局。不分出口出洋。概行禁遏。則近乎因噎廢食。吾浙實大受其影響。查從前海運通時。最低米價。每升不過制錢三十餘文。自仙鎮停運。米商無從購米。不得已。改向香港西貢等處採辦。遠隔重洋。輪運費巨。成本既昂。售價因而騰貴。十餘年來。每升已漲至制錢六十餘文。民間備力。日得工資一二百文不等。就日入工資百五十文而論。約以每人日食升米。前則五口之家。可以無饑。今則不足以養三口。哀鴻遍野。固已慘不忍聞。兼以

千餘艘釣船之舵工水手每船約二十餘人。此二萬餘人亦一時失業。無力謀生。賣妻鬻女。時有所聞。而總核每歲購辦之米價。及外洋出口之稅項。洋輪之運費。輸入於南洋英法各埠者。且以千百萬計。民困於內。如此而利益於外。如彼則利害得失。不待智者而決也。光緒三十三年。台州府稟奉撫憲電開。准江督憲咨復。有囑向蕪湖購運等因。查蕪湖在鎮江上游。計程四五百里。向章釣船不能駛過瓜洲。勢必改用輪船裝運。輪運之費。核與釣船運費。每擔須增洋一元。兼之包裝駁運。現在弊竇極多。及至到時。秤量耗蝕甚巨。小工水手互相推諉。無從跟查。遠不及商船自運。商米不敢稍有偷漏。且輪船裝運。動輒數萬包。必集鉅本。方能舉辦。大批運到。市價必致陡然漲落。銷通亦殊非易。而釣船則三五百石不等。商家固易於爲力。隨時接濟。價值亦不至顯判低昂。況長江航路。中國祇有招商一家。若以他國商輪裝運。是任釣船二萬餘人之失業。反以運費資洋商。而浙東之民。仍食貴米。尤爲計之左矣。至疑英商或援咸豐八年中英條約第十四款。藉口弛禁一節。查仙鎮距鎮江一百數十里。非通商口岸。且係向來民食所賴。以挹注。非因飢荒而告糶隣省。更不得例以



弛。禁。干。預。內。地。之。貿。遷。又。查。咸。豐。年。間。曾。文。正。公。奏。辦。金。陵。清。淮。等。處。釐。捐。曾。聲。明。甯。波。鈞。船。入。長。江。赴。仙。女。鎮。芒。稻。河。購。辦。糧。食。與。內。河。分。運。無。異。因。定。稽。查。章。程。惟。杜。偷。漏。而。已。鈞。船。卸。米。後。復。回。裝。建。木。往。售。卽。此。米。木。兩。大。宗。仙。女。遂。成。巨。鎮。不。特。歲。納。稅。釐。數。逾。鉅。萬。卽。該。鎮。營。業。夫。役。人。等。亦。莫。不。各。遂。其。生。今。則。失。業。情。形。亦。可想。而。知。中。國。向。來。官。民。隔。閔。下。情。多。壅。於。上。聞。此。在。禁。運。之。時。各。大。憲。專。防。輸。敵。接。匪。固。爲。蓋。謀。碩。畫。策。算。無。遺。方。以。爲。米。商。何。地。不。可。購。米。因。并。出。口。而。禁。之。亦。萬。不料。浙。東。之。民。受。困。有。如。是。之。深。外。洋。各。埠。之。利。輸。入。有。如。是。之。巨。也。紳。等。生。長。里。閭。目。擊。情。形。何。忍。漠。視。况。當。預。備。立。憲。期。內。首。資。地。方。自。治。若。不。亟。爲。設。法。挽。回。竊。慮。浙。東。數。百。萬。飢。民。與。二。三。萬。失。業。之。舵。工。豈。能。一。一。博。濟。盡。責。以。束。身。自。愛。衣。食。足。則。禮。義。可。興。於。自。治。前。途。不。無。窒。礙。近。聞。揚。屬。比。年。豐。登。米。價。大。減。而。浙。東。米。價。不。特。與。仙。鎮。懸。殊。視。上。海。亦。較。爲。昂。現。屆。漁。汛。需。米。一。水。可。航。鄰。豐。我。饑。浙。民。何。辜。豈。能。堪。此。紳。等。公。同。商。議。惟。有。爲。民。請。命。懇。復。海。運。以。平。市。價。爲。此。公。叩。大。公。祖。大人。俯。念。饑。民。內。困。利。源。外。溢。關。係。匪。淺。恩。准。據。情。電。詳。撫。憲。迅。咨。江。督。蘇。撫。憲。准。予。

鈞船赴仙鎮芒稻河購辦糧食。每月約以六百萬石爲限。由米商稟請護照。赴鎮關換領三聯印單。至鎮海進口後。即將印單呈繳。咨回註銷。則民困可蘇。溢利可杜。深爲便。

●杭州商務總會預籌米食辦法大綱兩細目四條

光緒三十三年

查杭州省城內外。月需食米八萬石。兼之浙米。本不敷食。使非預爲籌辦。民即有錢。恐亦無從得米。然則有米。雖不平糶。而市價自平。無米。雖辦平糶。而亦難乎爲繼。省垣紳商。未雨綢繆。集議辦法。約分官辦商辦兩端。

官辦者。大致以官購米。即設官店發商銷售也。然官類以商爲刁。難商類以官爲勒。派其中頗多糾葛。如辦平糶。必需官爲購運。分設官店。由各米商派夥。同斛量。照價發售。多至一斗爲率。由是則貧民食米。價不再貴。自不至有暴動之虞。此籌議官辦之說也。

商辦者。大致由商人集合資本。赴外購運。須官爲之保護也。而其辦法有四。一請發給護照。中國官商省界極嚴。譬如彼省告災。此省雖逢大熟。一聞以米救災。

價即日昂。而並有遏糶之政。然則何省可以購辦。必須調查確實。定購若干。隨時稟請發給護照。不填石數。移知該處官吏。查明運數。於照內填註加印。文件即交該商。資投運米到埠。當將護照呈由商會繳銷。如此則出口進口。皆有稽考。自無影射夾帶沿途灑賣之弊。

一請切勿勒平米價。夫米食爲民命所關。如果米商壟斷居奇。實爲民害。自應予以懲罰。顧買賤賣貴。商同此情。設買貴而責其賣賤。誰肯以血本嘗試。故勒平米價。在官以爲例所當行。殊不知商販不來。又不外購。既無接濟。價何由平。擬請照無錫出兌時價。酌加二三角。於三月間派員赴該處坐探。價有漲落。隨卽電聞。如無漲落。五日一報。或以湖墅外來米船到數之多寡爲市價之伸縮。隨時調查。尤徵切近。如此則商人既不受虧。亦無含混增價。漫無稽攷之弊矣。

一請嚴禁莠民。無論何省。一遇荒旱。搶米打店之案。層見疊出。豈盡出於貧民。大半皆游手好閒。藉端滋事。近來帮匪甚多。民情又復浮動。若不嚴爲防禁。深恐擾亂治安。擬請先期出示。用白話明白曉諭。已經官商合力預爲購備。倘有匪徒生事。定照

亂民嚴辦。如此則恩威並用。民心自安。而商人亦可無顧慮矣。一請但禁出海。不禁出境。購運米石本爲禁令所關。然同在一省。畛域何分。酌盈劑虛。自宜挹注。所患者。商人牟利。罔識權衡。擬請自正月起。除官商自運者。有數可查外。其商販進口之米。應飭米業董事。按旬報知商會存查。必須省城存有若干。方准外運。仍宜通飭各府縣。體察地方情形。自行設法籌備。以免臨時竭蹶。如此。則省城之根本先固。糧食亦可流通矣。



銀行憑簽字。此亦不過指明該票何人所出。查第一個圖章。被告公司所有。係孫給鄔。以便可問孫所開之各莊家取用莊欸。但後孫查得鄔鄭二人有糾葛之事。孫即將該圖章收回。此後被告公司。卽不知有第二個圖章矣。又被被告字當是原告原字告。豈不能查悉被告公司。從未囑鄔鄭二人。以公司出面開戶之事。西人不識中國字者居多。所以不用圖章。本按察司論斷至此。被告公司並未有錯誤之處。卽可決其並未授權開戶事也。再查此案所控第四條。立餘莊明知圖章係鄔鄭二人所用。或買辦所用。所以元生莊自知該圖章之後。卽向被告公司世枝處問明。並由世枝簽字爲憑。方可向其索欸。但立餘僅托鄭代管其事。卽如有某某莊亦托該莊已受鄭之愚弄。鄭又在堂哄騙多端。據此而論。原告實不能向被告索還欸項矣。(參觀一千九百〇七年之前案)按查此等情節。本按察司以被告公司爲是。此案訟費均由原告自結。此諭。

●立餘莊指駁與祥泰公司交涉堂諭原文

一堂諭。鄭曾三供於一千九百零四年正月。伊與小莊開戶往來。係孫廷煥及祥福

受權與彼。後孫廷煥供並未受權與鄭曾三。則鄭曾三所供均屬子虛。孫廷煥有否受權與鄭曾三。均是口說。皆難作憑。然孫廷煥係該公司董事。亦處於被告地位。如實有受權與鄭曾三。到堂豈肯實供。

二孫供於一千九百零四年小莊與被告公司開戶時。孫爲該公司買辦。孫在會餘案內所供。伊以業廣買辦爲被告公司發起人。並爲該公司發起股東董事。並代管理銀錢之事。該公司與中國錢莊往來。均是其介紹擔保。伊用鄭曾三爲賬房。代伊之職。所有各莊往來銀錢摺子。均交公司帳房鄭手。則伊受權與鄭曾三。不言可知。且其時孫廷煥實係該公司董事。並非買辦。孫廷煥二案口供不符。何得作爲公正人之證據。

三堂諭內被告公司經理洋人山枝君所供。該公司於一千九百零四年與中國錢

莊往來。均是孫廷煥來紋。

疑紋字誤

惟有立餘莊。不知何人介紹而來。則可知該公司

與小莊往來。是實在有之。伊云查知之後。知非孫廷煥介紹。當於七八月間。卽行結清。然其時並未結清。有簿據可查。此種言語。明是飾詞。小莊與該公司往來。是

## ●比較與不比較之比較

本報以事非比較不明於是乎列比較比較既列於是乎取事之可以比較者而比較之即有時無可比較亦以既有比較不得不取一事焉於其無可比較之中而比較之至欲求其於無可比較之比較而不得於是乎不得已而暫停以俟諸他日如本報之第十期是也乃自第十期發行後閱者多以此爲問而館之同志金君雪塍方回里致書詰責君貽謂比較可停孰不可停君貽既韙其言而欲有所比較又以無可比較者而止遲遲至今不得已而作比較與不比較之比較夫比較之則事之優劣見不比較則事之優劣不見卽有不待比較而見者然以未明事理之人遇之則其事雖見而仍不見是以比較與不比較相比較似比較實勝於不比較多多

## 第 十 一 期

然比較之所以勝於不比較者爲其事之因比較而優劣見優劣見則劣者可以取優者之法而力改其劣優者可以取劣者爲戒而勉爲其優使優者見人之劣而遂以己之優自足劣者見人之優而仍以己之劣自安是比較與不比較相比較非但比較未必勝於不比較且不如不比較之爲愈

夫不觀夫本館之比較也耶第一期悲華僑之與僑華者不能同處於勢力平等之地位傷報館與諫垣之不能同享其言論自由之權利而作華僑與僑華之比較報館與諫垣之比較第二期以痛洋人之對於華人雖以計工受值之一工頭而可以倨傲自尊華人之對於洋人則雖以墊本辦事之各買辦而不能不奉命惟謹作華工與洋工之比較第三期以近十年來華商雖稍有進步然皆表面上之事而又不敢以此表面上之進步謂非商業精進之原動力作十年以內華商與十年以前華商之比較第四期以中國商業近來之所受病者半在銅圓又爲慮其將來恐鈔票之禍較銅圓爲尤甚作中國銅圓與中國鈔票之比較本報方出不幸而其言遂中信義銀行倒閉之事卽隨之第五期以朱之榛之辦理江蘇財政或謂其病商或謂



於商無所病而日報所言亦各不同於是作中外日報之朱之榛與時報之朱之榛之比較第六期又以幣制問題關係商人命脈新嘉坡商會致函本館請爲聯合海內外商會力爭以謂當主七錢二分之說而不主一兩作一兩幣制與七錢二分幣制之比較第七期復以九江余發程案輿論憤激商學工界羣謀對付恐有意外之暴動而中國多事商務破敗且以英國夙稱文明而對於上海劉黃與印度巡捕二案辦理公平以彼例此當能一律作九江工人余發程案與上海鄉女劉阿妹及車夫黃世仁案之比較第八期復以中國之所以不能富强皆由於官而上海華商力好官派辦事遲延且以其時上海時疫正多心有所觸於是乎作醫與官之比較第九期則以其時各省方舉行考試優拔時勢所趨羣議莫折於是乎作科舉與學堂之比較此蓋已與商界無關於聯合無與所謂於無可比較中而比較之者也雖其間手筆非出一人要皆各有以意然試問讀本報之比較者果如何如何孔子有言不曰如之何如之何者吾未如之何也已矣我從前已言之今者又願閱本報諸君思之願讀比較者思之也

華商聯合報 海內外比較雜誌

諸君而以吾之言爲然也則請於此後之比較加之意可也

短篇小說 旅邸秋聲

紫藤滿架。綠葉扶疏。稚菊盈盆。嬌含玉露。階上玻璃。明窗障以輕縠。室內淨几。上陳中西文具。斑斕奪目。四隅盡是古書。牙籤狼藉。壁間名人字畫。與瑟管參差。雅幽如此。果誰氏之書齋耶。

時維孟秋。風靜簾垂。萬籟俱寂。惟聞室內有如訴。如泣。如悲。如歌之聲。此何聲耶。此何聲耶。當茲良宵。人家佳子弟。鬪風步月。醉酒尋花。忙個不了。而此間竟得聞此聲耶。奇矣。

嗟嗟。此非非子之寄身處耶。此非非子之寄身處耶。非非子。系出隴西。生長甬水。幼失怙恃。僅存繼母。事之惟謹。行年十八。訓蒙養親。每於課讀餘閒。瀏覽史冊。并愛吟詠。嗜酒且傲慢。自喜而體尤薄弱。嘗多病。其母恒規之曰。兒骨不稱兒性。一味任意。恐不永年。非非雖稍稍自戒。然遇事輒故態復萌。事後又悔。逮年逾二十。不務正業。好狎邪游。並朝夕作樗蒲戲。大有此間樂不思蜀之勢。其母恒嚴督之。然非非見母則謹守規矩。其母偶或失檢。則翩翩然去。冶游於安樂窩矣。

當庚子變政之年。士子紛紛負笈游學東瀛。非非輒心焉慕之。擬與友俱往。然終迫於境。未果。因自恨貧窶。逼人俯仰。不能自由。致海外求學之熱度。如冰雪之消融。爰閉戶攻書。益自奮勉。旋經友人相邀。至滬。非非乃束裝別母。作海上游。非非既至舟中。思前想後。甚無聊賴。遂步至艙外。憑欄遙望。覺水天蕩漾。茫茫無邊。海鷗數點。隨波上下。因思吾人身世。亦何嘗不與水鷗同一飄泊。後顧茫茫。亦正如水涯之無際。興念及此。不禁涕流滿面。艙上人家。夫婦攜手同行。呢喃細語。雙飛之樂。如此而益增非非一番淒切之情。

非非未出門時。自以爲學問淵博。而派衍世家。可自詡舉止大方。行動有則無事。不可以有爲。既至上海。中外交通。往來酬酢。間皆一時名流。非非始知其才不逮人遠甚。惟所操者。猶是筆墨生涯。頗不滿意。奈爲家人生產計。姑勉就之。且日撰短篇文字。及小說。售諸雜誌。或日報。以補不足。因之恒產雖微。尙足自贍。而鄉里中。與非非往還者。遂嘖嘖稱羨。雅敬重之。然非非終以寄人籬下。壯懷未酬。爲恨。故每讀蘇張賈董諸書。嗚咽不能成聲。然則此聲也。殆卽所謂非非子方夜讀史之聲歟。

# 處 派 分

## 海 外

- 新嘉坡中華商務總會  
新嘉坡海通書局  
巴達維亞中華會館  
巴達維亞華巫編譯社  
北般烏古達埠中華商務分會  
慕月中華會館  
萬隆中華學堂  
梭羅中華會館學堂  
日惹中華學堂  
泗水學務總會  
爪哇三寶壟中華商務總會  
三寶壟釐川華報社  
安班瀾中華商務總會  
坤甸中華商務總會  
仰光中華商務總會  
法國巴黎通運公司  
日本三餘號沈明久君  
日本東京筑地王惕齋君  
日本神戶天生正號
- 新嘉坡道南學堂  
巴達維亞中華商務總會  
巴達維亞華商印局  
北般烏山打根中華商務總會  
蘇門答臘把東中華商務總會  
萬隆渤良安中華商務總會  
梭羅中華商務總會  
日惹中華商務總會  
泗水中華商務總會  
西里伯島望嘉錫中華商務總會  
三寶壟中華學堂  
峇釐陵中華商務總會  
諫義里中華學堂  
吉隆坡中華商務總會  
馬隆中華學堂  
日本長崎中華商務總會  
日本橫濱道勝銀行郭外峯君  
日本神戶東源號李光壽君

## 內 海

列 刊 後 候

# 本報價目表

每册	半年	全年
四角	四元	七元

商會學堂定閱全年者七折報資  
 先惠  
 代派全年至十分以外者八折三  
 十分以外者七折零售無折

## 本館啟事

一 電局掛號

二九〇一

本館向中國電  
 局大東大北電

局掛明上列號碼如有賜電者除上  
 海兩字外但須用二九〇一電碼

一 通信地址

上海英租界四

馬路小花園第三號第四號門牌

一 電話號數

第二一四一號